

海珊詩鈔 下

AUG 02 2001

EAST ASIAN STUDIES

大字典圈點名家全集

寶顏堂秘笈

全書四十八冊精裝六函
連史紙 定價二十四元
有光紙 定價十二元

書係明鉅儒陳眉公所蒐集內容自經學史學詞章金石書畫以及佛學丹訣醫學音學物產風俗游記小說旁及外國人之著作搜羅殆盡且皆秘笈孤本向所未見

隨園全集

全書六十四冊精裝四函
連史紙 定價十四元
有光紙 定價十元

是書集袁氏生平著作如詩文詞賦及雜記等凡三十八種頗足爲研究文學掌故之參攷

文 明 書 局 發 行

各 省 中 華 書 局 代 售

海珊詩鈔卷第七

衆春園



烏程 嚴遂成著

從公暢舞討春遊。水木清華冠北州。司馬園唯名獨樂。岳陽記亦在先憂。九區山積
環花塢。三陣風馳入酒樓。一綫白溝知有備。不教戎馬飲河流。魏公帥定武分九區積粟芻曰實廩又制

方圓銳三陣
精勇冠河朔

雪浪石

睥睨仰蘇亭。礪碑雪浪石。石以盆盛之。震仰蓮花式五十六字。銘縱橫丈八尺。春風
颺殘紅。夜月淪寒碧。雀蹕楊柳枝。游塵拂瑤席。魏公去已久。備弛俗流失。奏上三司
使。條條見擘畫。禁軍營已葺。常平倉已積。有鼓以擒盜。有弓以克敵。胡馬不渡河。文
武飭衆職。公暇時一遊。琴歌竟朝夕。袖中小仇池。相對闢奇色。東海洶波濤。起立北
嶽北。北嶽宋時祭於曲陽屬定州轄此樂同衆春。題詩入齋壁。碧紗籠至今。登登拓遺墨。

余既作前詩。按公原序記石質色與今不類。復為是作。原詩闕

為袖壇題金門太守水墨畫冊五首

美人怨遲暮。臨鏡妝不明。水風一相激。時聞環珮聲。

荷花

與世相遺者。對之交始真。晚香生此夜。無月更無人。

菊花

蕭疎幾個字。中有雙鳳鸞。飛去不知處。瀟湘煙雨寒。

竹

磊砢不盈尺。黑垂天宇寬。以風大雷電。疑是蛟龍蟠。

松

其名酪為奴。其味甘於醴。可以換涼州。比之食鴈美。

葡萄

得戴學圃雲陽書

傳聞蜀道易。乃號黃居難。安得此間樂。大都如是觀。險經人鮪甕。燒出玉冰欄。地昔富胸臆。助吟清夜寒。

過無極懷黃壺溪

扈雲層迭出。資水逕南流。花散高樓雨。沙量廢壘籌。長箋邑子禮。上計苦涇侯。是處讀書者。古槐空谷秋。

春暮書懷贈金質甫太守

鋪遍苔錢不當金。老來護惜是光陰。花飛尚剩春如海。雨止方聞鳥在林。事為紛拏無解法。人從患難得知音。師行未已城謳起。風信更番直至今。

時西師過望都。太守有修城之役。

呈黃侍郎崑圃先生

先生親受業於新城尚書之門新刻五代詩話并史通補志奇贈

曾為揖客老難忘。先生撫浙時余以庚子舉人隨例揀選庭立長揖聞得如今鬢未蒼。宗派別開黃魯直。典型猶見蔡中郎。詩鐫五季行之遠。史埒三通註最詳。歎息口經堂已圯。叫殘鴟鴞草痕荒。

雜興四首

今存三首

芝蘭室不香。鮑魚肆不臭。久而相澹忘。各以器為構。分塗有清濁。賦性無薄厚。君子慎厥居。習慣自童幼。流不可以枕。石不可以漱。烏喙不可食。此理明如畫。絲及未染時。染則不可又。

杜陵灤西宅。風卷茅三重。東坡逐清景。雪泥踏飛鴻。吾無岸上船。一身為飄蓬。家具一車足。他年歸何從。預辦錢千萬。買鄰於空中。樂天蓬萊院。平甫靈芝宮。

卿曹博一拜。家產破其半。得失那可較。大哉此風漢。吾持半段槍。三十六峯硯。往遊五都市。終日無人見。步歸亦欣然。本無求售願。婆婆乞米帖。三公吾不換。

後懷人十六首

吳牧園學使

自南楚歸不復出居前邱精易理于詩家少所許可年六十如三十許人

水抱前邱燕尾分。出門放眼便看雲。何須問主哀大尹。如匿其年事少君。鼎善說詩了無取。鬼爭談易空所聞。紛紛餘子何為者。總是人云我亦云。

沈蒿師翰林

辛酉阜城送太史之南粵歸即丁內艱兼悼亡至今尚未赴部

梅花大庾嶺南行。六載空聞北鴈鳴。加我老形生鼠乳。

余年來右耳生小瘤漸長還鼠乳事神念頭間所生

君故物守尊羹。

用齊高尊羹故應還沈語

藥丸夜裏伊萬淚。髻局秋涵弱蕙情。嗚咽劉麟橋下水。

別時無此斷腸聲。

姚礪圃徵士

聽斷蓮塘夜雨聲。

與從兄蕙田同居友善

歸遲只為啖虛名。才華見許盧思道。規矩難繩禰正

平。珠帕簪花三館夢。

在禮館最久書十上三中副車

洞庭落葉秋將老。渺渺愁予

與目成。

銓掣長沙二月將行丁內艱

家穀亭觀察

三月過署十一月寄贈寶臣先生詩經質疑前已奏上

楊柳郵亭折暮春。每聞夜雨省前因。阿兄不要斑斕物。如弟才為率爾人。魏笏表陳

褒祖德。

鄭箋拜賜祭詩神。一燈風雪瀟湘夢。聲自南來有雁回。

道州牧翁君入京附書至

桑坡甫水部

省母歸不復出教授生徒常數百人雅好遊擅濟勝具性儉踰月一肉食

理窟勃宰發跡奇。

以理學發科

浩然歸詠南陔詩。顧協本自難衣食。遵明何曾質粟絲。齋

亦留賓拔難本。勇能踐陸纒稜秦。平生五岳已遊四。矯首衡雲開有時。

五岳惟南岳未到

汪師李上舍

楚望迢迢鴈影浮。思君今夜倚南樓。一江涼月人吹笛。半樹疎煙鶴解秋。聽雨記從

支龍別。

王戌阜城晤別

凌雲真作洞庭遊。析津紀事詞淒絕。誰與雙鬟鬢酒籌。

師李有析津紀事百詠時

方楚遊

杭堇浦翰林

重沓時方升曲鉤。故應到岸把帆抽。遙知夜夢鬼爭義。閑作白雲人外遊。既醉輒張

謝方眼。不休且問賈長頭。名山一席誰分得。極進還居第二流。

水西莊主人查心穀

以花影菴集蓮坡詩話見贈

不謂當今見此才。玉山歌酒好追陪。清言都自空虛得。勝事偏從患難來。入借一花

為寢饋。地因近海有樓臺。夢遊我挾飛仙羽。昨夜水西莊上迴。

章虞邵容谷

御史記名久不得調及門居上者眾一侍姬又亡向余言明春有歸志令長公子入補中書自代

十年郎署半勾留。無數東坡放出頭。浥浥神傷羊志淚。姍姍意倦馬脚遊。聲猶老鳳

清雛鳳。駕合健牛易犇牛。只恐黃鸞歌未歇。潞河春水滯歸舟。

顧香霞明府

江天鴻影望冥冥。未必南歸戶便扃。花信春風揮扇渡。潮聲曉月識舟亭。近客三期有口分賢佞。一夢從頭說醉醒。拉雜秦箏第燕市。筑驪歌到處歎飄零。以故秦吏遊燕不得志而歸

符葑林農部

與吳繡谷屬樊榭等七人為南宋雜事詩以河工起家

南宋蒐羅七子偕。雲無心出到江淮。張譏塵可松枝代。思遠冰於暑月懷。能與檀弓言物始。偶聞牛鐸識音諧。退朝今輒得佳語。拄笏西山爽氣佳。

徐恕齋廉使

辣闌吳羗

山名

葉葉風滿家。蠻語喚姑公。事當伐木燒磚後。人在零雲碎雨中。

來書營壘併築

室

可道秋來還噉粥。試看春轉又吹桐。遲君五渡三楓外。重掛珠娘翡翠蓬。

前轉粵巢未上

計聞

戴經農孝廉

濕紅軒晉巢暑經農讀書處時年十四性強記索余評選杜詩通曉律例

濕紅軒裡夜篝燈。記否丹鉛杜少陵。發語便知酸澁善。器人始信謝玄能。瘴江樹黯

鵲啼血

時潯州計音已至

秦隴關嚴馬躡冰

是冬遊俠

佩得真香巴里茗。書厨絕倒大儒曾。

家侍御桐峯叔

十載重為入洛行。巢痕坐認舊題名。清聲已辨妃豨學。初艱於嗣今直節今容仗馬已就外傳矣

鳴羅汊沈吟左徒賦。黃侍中板磯實召鬻拳兵。左寧南皖城絲竹開堂處。回首江潮萬古

情。主安慶書院久多懷古詩

胡穉威徵士

飛去真須迓大材。可堪紙尾署丞哉。離騷合是狂人作。管子豈非天下才。一榻別施
隨手校。三年無語比肩來。紫薇敕下傳呼急。爛醉樓頭夜未回。

徐笠山學博原詩闕

題惲壽平畫為劉滄水少尹

水仙花

風骨自是仙之癯。淡妝絕與時世殊。此花一生唯愛水。不道此間水亦無。有花無盆與水

萱花

莖抽股玉粉丹含。倚石歌風態亦慙。嫁得蕭郎年已老。佩來總是不宜男。

秋荷

殘紅敗綠化為烟。一柱亭亭立鷺拳。三十六陂秋水夢。恍疑撐出楫頭船。
水墨葡萄

馬乳龍鬚種不同。携來西域貳師功。憑他馳譽丹青手。着色離宮別殿中。

白百合花

句題霓裳三疊

白玉無環擲畫廊。亦無曲子舞霓裳。軟溫他日冥搜到。當作都波國裏糧。
桂子

連蜷一樹老於人。大豆圓珠糝滿身。不獨辛香通月路。軟條可以拂遊塵。

鷄冠

十分精采費彫剜。昂首西風獨立難。金距不施無鬪志。霞痕捻上遠遊冠。

菊花

自題仿唐解元畧得唐賦色意黃紫二色

賦色非難賦意難。六如粉本墨初乾。冷香正味何人識。只作姚黃魏紫看。

秋庭夜坐

不知秋已半。槐陰如髮稀。宿鳥露其巢。明月入我帷。滴瀝時一響。葉垂清露滋。茶烟
颺滿地。蛺蝶蠶吐絲。習靜亂聞見。并此坐忘之。冥心參周易。一晝未生時。

東金門保陽

吾亦無家客。君母歎轉蓬。土功興難後。花事廢兵中。馬脊如山立。豚肩以火攻。燒割之事

東礪圃河南宮人處

雪苑風流盡。鴻聲在杳冥。寒烟金水暮。黃葉噎瓜亭。貧則何關病。狂原不待醒。七陵問消息。可尚有冬青。

萬孝廉循初自京邸貽詩見懷依韻和答二首

九龍吐水出山清。種柳成陰綠繞城。長夜無人奇酒禁。婦歿已多年矣。餘春與我鬪花評。漸

防白髮三千丈。思聽黃鸝四五聲。惆悵故人今速化。聞查心穀一夕病卒。水西月減二分明。

滿架藤陰史局中。讓君一手定三通。時館梁相國家修三通。試看春去秋來鴈。誰趁朝南暮北

風。日思誤書自一適。掇作了語將毋同。我今且辦中元會。滿院秋花露氣融。

余因病少食禁斷鷄鶩。即肉味或月一至。唯茗茶不廢。不得已有魚癖而產

非其地。今且息矣。樸庭於他處食鮮。輒貽書垂念。賦此作答。

去其已甚。議門生腹為長齋。時一鳴。許食蛤蜊。非易事。爛蒸鵝鴨。乃虛名。蘇蘭竹裡

有奴婢加帽甕頭無弟兄多謝故人遠相憶臨淵今少羨魚情

樸庭又言潞河鰕魚之肥遠莫能致慨然有作

灤河南北多釣磯家在水鄉胡不歸一片桃花飛白鷺無魚也合辦蓑衣

馬文毅公彙草辯疑書後

入獄集少陵手書詩二百從容赴柴市千秋弔信國

文山在獄中曾集杜詩二百首馬公曠代起蒙

難究心畫疑辯信乃堅守臣當死職引脰絕粒時薈萃十二冊異同析秋毫一字一箋釋侍姬亦斌媚楷法淚痕積闔門無吹火燐青鬼其宅遺書誰護持裝池述祖德幽囚緬四載展卷我心惻此筆如卓笏生擊朱泚賊此墨尚流血濕濺嵇紹軔同時范忠貞淋漓炭畫壁閩粵遙相望對勒平原石

公諱鎮雄巡撫廣西值逆吳之亂被羈四年屢祈死不獲彙晉唐人草書為十二部辯晰甚覈其標題真書則姬人顧氏筆後卒遇禍從死甚眾及旅觀歸無一物唯此書在馬公孫曰炳守金華時屬余題詞久之未有以應今補是作而太守下世冥冥之中負此諾責矣己巳中秋朔日記

瓊臺侍郎隨馬東周石帆學士

石路盤盤石角利。侍郎走馬磨旋蟻。風吹玉山樹倒掛。蒼然一聲墮於地。口眼凹凹

血淋漓。馬本不為卿面計。急呼蒙古大夫來。鞏用黃牛肉一堆。築之登登數百下。

受朱亥之神槌。蒙古大夫醫法。腦出納之用鐵槌。槌數百牛肉三觔。覆首布裏之。踰時始蘇。痛良已。堵牆觀者。頗有

訾絡盛不躍飛將軍。跌碎終饒瓦學士。可惜失卻記事珠。玄冥喫詬追攝之。六月四日以前事尚

能記後則皆忘矣。我來排闥入問疾。作力强起人扶持。為言再生得今我。故舊一一新相知。

下堂傷足古所戒。政有母存官當辭。勸公勿歸去。版輿迎京師。天台之山三萬六千

丈。登高何異於騎危。以馭惡人法馭馬。馬知人意乘船如。南鄰周髀約今夕。酤酒索

和墮馬詩。周石帆學士是夕招飲。

胡秦舒銀臺歸自蜀述西師始末賦呈凱旋四章

一丸泥塞大金川。負固憑陵已二年。絕壁跨空橫鐵索。危江剪溜泛皮船。樓盤鷗勢

梯難上。箭作鷗聲甲易穿。薄險王師身手健。拍張都是肉飛仙。雲梯兵

相公露冕萬重山。過午傳餐也未閑。草檄宵馳宣廟畧。封章晨拜見天顏。板橋壓

擔牛湊重。冰磴牽繩馬汗斑。特製軟材平底履。滿天風雪過桃關。達尚書奏十二月朔八日至桃關雨雪地

滑路險狹。鑿冰為磴。馬引繩上有橋橫竹索。甚殆命鋪板其上。大學士暨從官皆穿脚齒步行。酉刻住宿肉食。且時拜登本章。徒御負戴者。卯午時繼至。

臨行典禮重推輪算到成功不七旬。十二月初三日啟行飛兔却行三萬里。黑龍江至金川

萬五千里錦衣重見六千人。京兵三千東省兵三千別時燈火纏綿語。歸路風花澹沲春。藿肉紛綸

漿酒賤。大家飲具洗征塵。飛兔神馬名日行三萬里見瑞應圖

西域山川畫掌收。籌邊罷築最高樓。迅雷夕掃苞三藥。良爾吉阿扣王秋湛露朝頒卷一白。

利見羣羅迴紇拜。劫盟竟息吐蕃謀。黃金鑄佛生祠建。香火年年祀武侯。

經畧傳至軍營圖畫形勢甚悉攻調奪卡連戰皆捷上嘉其功封為忠勇公受降之日酋嚴兵自衛惶怖跪迎獻銅佛一座謂公即達賴喇嘛也黃金萬兩却之即

為建生祠誓奉香火不絕焉

高制府東軒先生讀易圖。圖上一凡几上一書先生自序讀周易宗朱子工夫以主敬慎獨為本

經十有三制科。取五君子不多多。亦奚補以相天下。魯論半部。解

逸已足惜。况刪三千存什于百。其然不然。後儒聚訟。起司馬遷。解

壁中未上獄。沮巫蠱詰屈聳牙。今古于古。訖大航頭。金絲啟魯。解

聖小為吏。乃敗于墨。列在學宮。此席且側。不假外索。爾家大德。解

周治世書。宋用以亂。議全廢之。真偽却半。爰質班史。莽散所竄。解

斷爛朝報。已甚王氏。安有匹夫擬于天子。以赴以告。仍魯舊史。解

易因卜筮。阮逃秦火。是為完書。盡信焉。可研朱滴露。跣跌以坐。七解

自肇訓詁。經乃不明。廓清摧陷。純粹以精。關廉暨洛。閩集大成。八解

二山伯仲。式好紫陽。疑相與析。執友之常。孫悔初祖。至于披猖。九解

天空海濶。底萬間屋。水流花開。忘三月肉。書來告余。必慎其獨。十解

東費農部用中

嫩晴天氣。礙微陰。機息。撞推直到今。卿是卿。非姑認。廐郎疑郎。信竟償金。半場哀樂。

中年夢。一樹榮枯。畫史心。雅善花舟聞入秋來。常卧疾。鍾山可有鹿銜邊。

東同年吳緘庵。宰吳橋九年銖積若干寄一客營什一忽逸去不知所終前年長子歿客歸太翁迎侍性嗜甚每日不廢

山貲留以待歸耕。負負無言盡族行。諛墓攫金猶細事。舉船貺客大多情。瀾滄故道。

花空落。巖博新阡草又生。何物娛親銷永晝。古松流水有碁聲。

寄宣府吳朔占太守

春迴上谷。不彫荒。前年宣府旱皇恩普賑坐鎮清時。鎖鑰長。繫市酒坊。見毛西河明武宗外記無夜禁。

繩連弓。鼓塞北。見高澹人抄昔秋防。河歸故道。香通合。香通二河名碑仆空亭。樹木涼。故元

亭西涼亭永樂時樹木鬱然見昌平山永記北顧詩成。思少蓋。西風老雁。唳秋霜。宣府新建鎮朔樓故用

事時太守
一孫

五君詠

董扶搖

遭惡疾多
年而卒

□晏叩其乃昇之溺於水云何遽斯疾夢夢窺天咫昔人廢蓼莪今人廢采芣

吳赤鳧

博學工詞有
齋名瓶花

逯父薄歐九耆卿壓秦七不讀萬卷書誰敢入此室殘月照空罍瓶花萎秋實

董渭瑄

兩子相繼歿甲子
兩子同登賢書

算盡復誰代並舉枝連芬樂為哀所奪起起龍蛇聞九原不可作誰歟定吾文

倪南琛

由翰林授知縣不
起無疾午睡不起

於事無機心如田之方面攤飯蟬委脫泠泠御風善竟不轉頭銜魂歸翰林院

張雪為

使蜀停驂望邑
歸至獲鹿客死

去時弭絳節來時飄素旂相望二百里容易招君魂篋中隴蜀記淚漬鵲啼痕

後猛虎行

以獸為肉林以人為酒池不食醉不食癡三躍不中棄之去謂虎甚暴能忍饑奈何

假其威於狐傳以翼蒙以皮外則龐然大其技止一臨江糜風嘯雨嘯餐人膚銀纏
金釧簡錄冠帔紛狼藉兮剪屠吾呼渠搜獅駮搯爾尾吾召胸腮秦精編爾鬚慈不
卑勢勢負隅決蹠環寸留其軀虎一直行不回顧安知曲路中險紆誅之不勝誅似
虎非虎繁有徒吾將籲天埽除星精樞慎毋生虺生虺生虺生虺生虺生虺生虺生虺
岳滿地皆駟虞

海冊詩鈔卷七終

海珊詩鈔卷第八

烏程 嚴遂成著

歸客詩和太守夢堂先生即依原韻

衝寒破曉眼生稜。宿麥連雲數十塍。客路老於孤竹馬。歸心猛似郅都鷹。山皆北向猶含雪。風自東來未解冰。取次從公尋舊夢。百花_{鳴春望亭名記遊曾}過大名郡。

上元第二夜吳鑑南秀才過飲寓齋即題其詩集後

燈市寂寥鐘漏遲。酒酣耳熱放厥詞。何無忌果似其舅。_{寶意太史}嚴挺之。那有此兒堂上

雨風不成夢。

_{集多憶弟之作}

鏡中金翠空所思。

_{調無題諸篇}

旗亭他年客畫壁。三月喚渡桃花時。

<sub>三月生波喚渡時
集中咏桃花句</sub>

紀拉少司空死節事

公諱布敦。戊辰冬監西藏歸。止望都為余言其國制及生產甚悉。館使者於碣樓相見。行釣禮。惟謹。次年正二日復西行。踰時報至。則王子弟繼立。思拒命。夜以兵萬人環樓下。氛甚惡。公給之登酒。行取刀於韉。殺之。遂自焚遺一子京師。甫四歲。殤。嗚呼忠魂不嗣。余以一夕之衛聞之。為泣下。

也

一萬六千里。正朔頒西藏。使者監其國。賓筵席東嚮。紺碧飾藩溷。蟒繡被廝養。南維斷交趾。北鄙遮澤旺。蠢爾懷貳心。中宵洵兵仗。公起持漢節。凭樓與揖讓。王乃介而登。鞭刀湛其吭。仲升爲郎城。介子樓蘭帳。我昔蒞傳舍。往來識公狀。清瘦僅勝衣。外懦內大壯。羣囂旣底定。餘燼安用莖。四歲憫孤兒。報忠天不諒。恩縻瓶侯封。祀餽寢邱相。遙遙打箭爐。游魂永飄盪。

輓岳將軍

公諱鍾琪。前寧遠副將軍。後提督四川。己巳春入覲京師。還止望都傳舍。余謁見。長身頽面。被服儒素。爲言金川形勢及納降事。蓋虜夙重公。故卧護十年。卒無事。唐以李世勳爲長城信。然公雅能詩。即席千言立就。食前方丈。行厨之費不貲。此外固無一毫負公也。將星已沒。當爲天下惜此人。

萬山插天。天無際。江深無底。下無地。迫隘碉樓。俯射人。圍之數重。持久計。將軍素能得虜情。深入招來。虜環涕反唇。而憙申申。詈殺降阻我歸降意。達賴喇嘛再世。生香。

火氣氤銅佛詣

二句註見前

皇帝曰可赦勿誅歸視爾師保西鄙無煩充國營屯田但效

武侯罷置吏書定功成反掌間一身萬里安危繫郵亭戾止視公面褒衣博帶儒者
氣參宴前成衛率詩瞻生豐過賓游費大星夜隕東西川可惜生理文武器突厥祠
刊仁愿銘鮮卑墓致陳龜祭

房山四首

水繞鹽溝一道斜紅螺嶺色屬誰家寒林墨竹尚書畫不採荒墳鼓子花

高房山宅

蘋果園荒滿地苔幽燕與室五丁開山環溪帶花無路突見門徒數百來

霍原宅

石竇如門玉壁沉桃花一瓣水流深潁鱗仙鼠斷消息樵牧猶聞絲竹音

孔水洞

琬公石版鑿金錢大涅槃經一部傳街巷無人車寂寂蓮峰空號小西天

石經洞

杏花堂與同年蔣良山守夜有感

城頭角止鼓停撾彷彿三條燭影斜虛壑陰風啼怪鳥空堂殘月照寒花眼光於我
復誰在峰距若人敢爾邪垂老弟兄緣底事今宵淪落共天涯

與質甫太守集別

笛聲吹折柳條長未展離筵意已傷燕子生涯如怨幕杏花世界不禁霜

時清明後微霜可

堪舊雨人俱去。晉潘及幕中諸友周雪舫又西行矣况是新阡草又芳。陶未堂先生獨客飄零今夜夢。
冷雲殘月滿河梁。

南行懷古十二首

定州

戲馬聞鷄處。山河古博陵。神嘉迷故址。華塔守殘僧。竹塢秋披褐。牧之松屏地裂冰。東坡
詩人今不作。吟遠牡丹曾。杜荀鶴

曲陽

九出蓮花勢。依然在此間。浮休洛光水。奇勝少容山。鬼尉何人畫。仙樵有日還。荒唐
傳宋將。狄武震漕運石橋灣。

正定

景雲十七丈。步步異香生。碑可風中動。蛟於岸上行。俗傳河中有蛟。變為人。同行岸上。至懸絕處。推之俱下。今不復見。
何人記鹵簿。是處過槍城。試問藏書室。林疇沒令名。虞道園詠蘇參知天爵藏書室詩。有林疇廣數間。與齋居之句。

趙州

宋子城邊路。修垣彼一時。望漢臺西古井明成化間修垣得之名惠民泉今適重興此役柿凋婁敬藥。苔卧耿球碑。

柱若虎而翼。山為龍所夷。南門兩柱翼路若高閣又龍平山本高聳龍過夷其平故名茫茫花石浦。空復日休詩。

邢臺李滄溟登邢州城樓詩紫氣東盤滄海日黃河西抱漢關流王弼州過邢州黃榆嶺詩倚檻邢臺過白雲城頭風雨太行分及身履其地方知

此景了無交涉習為大聲耳

所見聞不逮。傳疑今是非。日離滄海遠。雲入太行微。塚草埋銅鼎。關榆掛鐵衣。明陳萬言

黃榆嶺詩後賢收昔遁。水溉稻田肥。時滿明府新疏泉添種水稻

沙河

愈疾勿以藥。湯名天下誇。治司曾鑄鐵。渴水但流沙。縣小盜所棄。自古少兵事村荒燕不

家。峰巒九十里。何處問梅花。

邯鄲

閣樓研子冢。風雨照看池。訪古迷處所。傷春屬阿誰。箏彈桑下陌。服袷柳邊騎。祀客

土人世祀程嬰之祀客無香火。巖巖河聲夜悲。

魏縣

真廟迴龍地。回龍寺俗傳宋真宗北征至隆提封屬大梁輔車依趙衛高屋建洹漳墓此回鑾因名回龍龍記為隆

決懷司隸

蓋寬饒墓為河水決去

花開弔夕陽

明薛斌弔魏臺詩半下夕陽飛鳥去行人笑指野花開

殘碑書法古天保

紀高洋

大名

留守北都地名賢履跡經綠波何宵渺香雪最飄零草沒彈碁局沙崩過馬廳樹頭風不定鶯喚女姓靈

南樂

東郡為昌樂於今俗則訛

俗訛昌樂謂黃帝子昌意所築

營名懸晉冑水勢劃龍窠羅疇村烟小花

碑墓草多造書臺不見醉魄滿山阿

杜康劉伶俱塋此

濬縣

太行俯左趾成堰為枋頭荆棘黎侯寓風雲魏武收三山爭勢出五水合支流地古多名蹟蕭條別墅秋

善化山分而為三亦名三山五水號五穴口今并為二

滑縣

滑臺古重鎮城小匝三重賦乃圖龍馬陵猶託鮒鰕金隄無後患畫舫有前踪一夜冰漸合蒼黃渡暮容

送陸午峯甥之楚視四甥玉飛病

不遠千里道。三月援而止。依依渭陽情。劬勞念母氏。母氏不可見。舅乃母之弟。見舅如見母。天涯得所主。主人生計拙。無錢為汝使。新詩日以多。亦不能和汝。匆匆晨告別。楚游采蘭芷。南望鵲鵲原。兄曰嗟兮季。季也展吾甥。見甥如見姊。姊昔視吾病。吾病瀕於死。扶床拊吾手。掩袂提吾耳。阿弟好自將。行行我去矣。戊午夏余病劇姊來省視隨之松陽任不見矣一去不復還。九原隔萬里。回首十三年。悠悠夢魂裏。此意甥毋忘。淚落清漳水。

新葺書室成自題以落之

一官如傳舍。淹忽五六遷。住此復幾時。而乃謀所安。王事况靡盬。恩恩理征鞍。一散頑腰脚。隙地尋西偏。蕪穢受春掘。拓之強使寬。徑直使之曲。衰斜如弓絃。坐移咫尺勢。穹壑羅雲烟。甘蕉紅一本。苦竹策四竿。杲杲望新雨。雨司生殺權。十年計樹木。成陰良獨難。棄我去者去。後來知誰賢。吾姑樂今夕。少飲得晏眠。月明解人意。花影紛檀欒。

先賢仲子祠

藁葬衣冠處。空祠澶水濱。此邦無父子。吾道自君臣。鼠迹塵瑤瑟。苔痕細錦茵。脩脩

風振木下馬拜行人

黎陽道中與管司馬思策論古

莽莽臺陰野。雌雄百戰場。征艱曾有賦。盧陸遞已無倉。桑柘分淇右。雲烟接太行。望

中亭瞭敵巨礎閱隋唐。瞻敵亭李密建四巨礎猶存

又絕句

斑斑花石琢屏風。古罅蟠蛇迸兩松。行盡東黎山下路。誰知中露與泥中。泥中中露二邑名

夏日開州城南即目

潭潭積水魚子肥。柳風四面吹荷衣。此間大可以逃暑。白鷺過人都不飛。

題春閨獨坐圖

聽得鶯聲訴曉寒。東風扶夢鬢雲殘。無人庭院春如水。背著瓶花不忍看。

題小南軒壁

三面開窗不向西。半弓割取作花畦。曉來一雨活新竹。便有水蟲清夜啼。

過相州題李敬亭明府壁

高樓鐘鼓對崔嵬。城中鐘樓故樓相對峙馬首龍山夕照開。利病劇應籌二水。州在淇洹二水間廢興

何必問三臺。牙軍魏府為雄鎮。片石韓陵亦麗才。父老但知鄉郡事。相公辭節北門迴。

秋夜投止山家

山當面立路疑窮。轉過灣來四望通。涼月滿樓人在水。遠煙着地樹浮空。熊羆之狀乃奇石。鸛鶴有聲如老翁。清福此間殊不乏。可容招隱桂花叢。

袁姚氏節孝詩

妾有夫。身未分明夫已殂。夫家中落幼早孤。妾上堂時無舅姑。下堂又無黃口雛。妾胡生為夫。天不可以呼。呼天不應呼阿母。母自爹亡病長久。有小弱弟與母守。妾代持家操井臼。弟索哺。妾朝炊暮作糜。弟讀書。妾夏揮扇冬抱爐。及弟成人母適死。母死妾緩須臾死。年未逮例例不旌。後母十年死年甫踰四十妾死徒死生徒生。立節原非為立名。茹荼飲藥淚暗傾。落然人不聞其聲。亦不見其形。尸還袁氏墓合銘。樹德務滋維爾馨。孝思維則。妾母靈。夫字德滋弟字維則

李芳亭印譜

五兵之用刀為筆。文武器二合而一。如錐畫沙鉤含絲。中陷者凹隱起凸。陰陽八角。

十二芒披彩畫圖散霞色。研朱翁絕鐘鼎文。蟲碧繆悠周漢物。具此珉歟手乃精。不數四廩白石生。花乳採之霏雪錄。寶奩押以神龍名。黃仙鶴伏靈芝。可以詭託北海鵲。其辭君家璋也。本絕藝。一磔一運壓倒茅紹之。篆法亦號中書虎。陽冰變自秦相斯。

書宋明帝傳

移床脩壁祭紛紜。夢裡人誰以反聞。白帽已徵蕭散騎。黃羅空託李將軍。琴書不算傾資獻。瓜馬何緣取字分。多所剪除安用泣。金罍齋藥氣如雲。

雜詠北齊諸王事四首

佛牙第內夜光明。摩女重逢一目成。頓飲酒盃三十七。金鷄又上白楊鳴。
河南王孝瑜河間王

孝琬

菜葉書成市上懸。五郎筆迹出天然。如何但飲此鄉水。鹿脯鷄羹不用錢。

彭城王

邱山功高罪莫贖。有疾不療吞聲哭。一瓜數菓亦分甘。休唱蘭陵入陣曲。

蘭陵王長恭

裸人為畫蛆盈斗。被誣刃借長鸞手。腦如不壞血塗之。也應飼與波斯狗。

南陽王綽

于役阜城紀事兼示華陽書院諸子即誌別

王事遂于役。驅車來阜昌。是我樂思地。民亦不我忘。老者聞我來。鳩杖相扶將。使君去我時。我筋力尚強。今吾頭雪白。兩目一以盲。壯者聞我來。倚鋤歎道旁。使君去我時。歲時遭旱荒。乾隆八年今吾娶新婦。薄田饜糟糠。少者聞我來。挽鬚爭跳梁。使君去我時。聞我方扶床。我今讀論語。口誦兩三行。紛紛競羅拜。下堂復上堂。使君昔為官。畏縮氣敢揚。使君今為客。舞蹈容我狂。狂呼未及已。忽焉淚霑裳。使君之來此。為日苦不長。終當舍我去。我民心內傷。爾民心內傷。我亦九迴腸。某家翁已死。某氏兒又殤。某貴今罷斥。某富今消亡。九年一彈指。清淺閱滄桑。所喜二三子。學業不可量。他年驗師說。辦香留華陽。華陽踴跡迹。駕言歸蒲匡。扳卧竟何益。依依送出疆。出疆一迴首。雲樹隔蒼茫。

李家店芍藥牡丹

四月十二日過此芍藥僅含蕊牡丹數叢開甫歲端月重經雨失却矣余既與世緣悔匿之不早也感作二章

我去花未開。我來花已落。何相避之深。垣踰而坏鑿。急於炫世者。智不如芍藥。誰能肖像求。毋乃懸賞索。遐哉朱桃椎。道上置芒屨。

牡丹去正開。今來花不見。髣髴帷中人。優曇一湧現。情波未易恬。意蕊最纏綿。不如不目成。與花無半面。去亦不汝德。來亦不汝怨。

曉出通州南門渡潞河

車馬爭趨渡城魚夜不關。鳥聲喧夏澤。帆影轉螺山。霜逼金花落。沙沉鐵矢斑。中流遺魏竭。眇望石籠間。潞澤水上開花浮若金蓋今不見又塔頂楊彥昇鐵矢今亦無存魏劉文于高梁河立水竭積石籠並失所在

吳鴻臚頴庵招飲有懷少司馬梅庵先生

蕉牕綠暗樹燈紅。舊雨沉綿一夢中。去燕有樓吟白傅。過車無酒酌橋公。明星夜集仍東井。老柳秋垂向北風。何處紫雲迴奏曲。傷心不待管絃終。司馬東井書屋有蕉窗秋柳唱和詩

胡鏡舫儀部漢書詠

美人香草托靈均。問道呻吟病有因。聊借義山為畫像。詩用義山體非關班史要忠臣。一

朝無食錢休質。三輔如今本不真。昔讀此書曾命酒。讓君舊事盡翻新。

聞墨莊主人吹笛

金陵人時寓天雄僧舍

一聲入破決雲層。蕭寺閑愁寄老僧。彷彿秦淮人定後。月明如水滿船燈。

題章黃門亡姬沈小同傳後二首

樊榭姬亡製艷詞。

厲孝廉樊榭有悼亡姬八首詩甚麗

君今小傳質言之。柳枝逸去楊枝別。急淚如余

洒向誰。

松林路遠一亭孤。此計君毋學老蘇。春水方生花滿陌。魂隨帆影到菱湖。生前即有同穴之請

時黃門方乞假姬爰湖人

王中丞耕田圖

人情以為田。脩禮而耕之。此田在方寸。中公環維私。私者民所賴。公則無人知。君子秉經訓。鉉基善待時。去惡如去莠。良苗相扶持。志不在一飽。而憂天下饑。精白動天鑒。東南命往釐。財賦繁重地。有田久不治。三江道入海。疏濬煩籌咨。忠靖夏原吉昔經始。濟國漸以肥。曠世周文襄。履畝匹馬騎。有倉名濟農。沙柴成疇苗。公繼二公後。嘉惠今在茲。種德如種穀。雨露發華滋。告成登萬寶。民用歌樂思。繪事繪以意。其意主於慈。一圖亦寄耳。敢告良有司。

方宮保貯蘭圖次原韻

蘭外惟梧桐竹

栽桑八百株。種粳五十畝。未離衣食計。清風亦塵垢。無人不必無。有人所應有。維竹登梧桐。與蘭訂三友。公託契者高。俯地視南斗。百卉絕艷歡。棄多斯大受。走也乃弱植。愛顧忘其醜。草不言而芳。木不才而壽。堯枯隨所集。遑問灌園叟。何相賞之深。以心不以手。春華敢爭先。夕秀寧殿後。窅然空谷中。居以甕為牖。摒擋桃李姿。勿令二

五偶童約慎持之辦香期耐久

上襄勤伯鄂中丞

四方樞要扼中州。出鎮親臣帝眷優。望冠三朝兼將相。爵班一位亞公侯。雪中筆

札梁園會。姚念慈趙樹斯諸君花下麾幢洛水遊。太夫人迎養諸公弟咸侍新是翠華臨幸地。松高繚繞

五雲浮。

寄呈衣亭先生寶坻

心指真師號法師。門流濁碎一麾之。枚乘已罷口農守。管輅惟高象繫思。崔贍答謨章王啟思

高象繫管輅思而未解生理只憑樵采給。世紛不用馬輿隨。圖形構廟口邊處。禪窟生藤鵲遶

枝。師內外服闋莖託竟不出

題龔光祿醇齋聽鴻圖

草閣內一人無琴閣外松石落落烟波渺然雁一絳在天末醇齋楚籍

楚明光一奏雲和。便覺飛鴻到眼多。相賞不離松石意。有愁付與洞庭波。落霞影作

樓前舞。摩月聲傳塞上歌。展畫忽驚人萬里。霜吹簌簌草鳴駝。圖為蘭皋先生指頭畫時方出塞

送陸生惠南歸獨山

藍謝冰生怵我先。消寒小住九龍泉。平時守默若蕭啞。忽地放狂如柳癲。土塞孟門

成底事。新填瓠子待何年。子規勸汝遄歸去。趁及荼蘼釀酒天。

欲赴河工余力阻之

題盧司馬贈公六圖

一圖補衣草履衆犬環之。偃偃獨行。其時有被噬事。

百衲之衣。雙足頰。吾止且止。行吾行。忽聞籬間趙師。安見殿上提彌明。

一圖輸金濟貧。

有用之金。置無用。雀飛蝶化。胡為哉。一朝散盡。計良得。省却奴輩利我財。

一圖梅亭讀書。

日與古聖賢相對。有亭翼然。人晏如。百花都趁游春劇。只有梅花酷愛書。

一圖施藥濟病。

三神山竟有迴船。施與人間。不要錢。但得一丸舐其鼎也。隨雞犬上昇天。

一圖坐蓮葉泛大洋。

東坡海市見應稀。博望槎迴是也。非比較爭如蓮葉穩。粘天黑浪不需衣。

一圖出獵。

脫韝一鷹從兩騎。平小隊西行安所之。獵取三十有六國。音滿山狐兔空爾為。

行帶

以萊為名不抹饑腰圍解道瘦勝肥橫紆荷柱通魚路倒縮菱絲漾月輝曉夢贈迷
交甫珮秋香紉冷屈平衣漿牙劃得風漪碎撈取星星水鏡歸

海珊詩鈔卷第九

烏程 嚴遂成著

故明潞王妃墳

在輝縣城東二十五里墳有二左王妃陵園更宏麗有萬歷敕封之碑今改為寺康熙年間僧以四百金買得之

福王之國時

裝儲罄山積潞乃帝母弟其妃受封冊富亦不可量塋制巨廣陌外以

石為城重門高百尺拾級杖而登殿寢嵌紺碧迴廊如游龍有亭鳥斯革繕具十年

計輸材萬夫力枯骨期速朽謾藏鑒古昔已而羣盜起中原陵毀蝕邑小僻在山卒

逢赤眉赤

汧呂后尸

襄陽投之水洛陽以鼎食寶玦青珊瑚草間淚霑臆亡命棄故都佛

來宅其宅歸降年不永何以安魂魄長夜漆燈翳重泉銀盃匿曩今裁流水冬青數

行植麋鹿往遊焉詎為僧所得下馬感盛衰悠悠我心惻

潞簡王湘鏐穆宗第四子妃李氏子常務嗣崇禎中

盜發王妃塚常務流寓于抗順治三年六月降

南岡先生曰厚塋誨盜而前藩汰侈卒致亂亡亦以此見之

遊蘇門山示徐堦見初昆季并三子

此山下

蘇門山庠隘濯濯無顏色孫登鸞鳳嘯阮籍鴟鵂嚇風雨颯中天百獸為之匿臨眺

動羣疑虛名若浪得而我不謂然闡微貴撫實此山空其中上土下則石萬竅搜天

根一綫貫地脈靈氣縈繞之源源通不塞運濟衛河流濫觴罅縫蛻其功助灌溉其

害謝冲激倒浸玻璃屏。山固兼水德。嗒然不自明。悃悃道用默。受侮於目論。甄藻賴寶識。朗朗見山心。白雲澹夷憚。清輝閣名良復佳。試泊張融宅。

新鄉過黃河故道 縣亦有臨清關

臨清虛設一重關。下有河形亘此間。假道豈容兼沁水。拍隄何止及金山。石洋東塞功仍舊。金明昌五年迄及金山原武南通勢轉灣。龍性喜遷無治法。請從天上便西還。黃河昔從縣南入界沁水從縣西入界自元時河改從原武東南流徑陽武

過大梁書李光璧守汴日記後

國家無兵又無餉。空腹空拳與賊抗。雲梯栢臺高於城。城上懸樓屹相向。藥烟一綫紅光開。地皮倒陷轟雄雷。從空磨盤星迸落。血肉狼籍飛灰埃。督師丁啟璠茫茫喪家狗。畏賊如虎背而走。按臣嚴雲臨河不敢渡。委棄孤城要誰守。城中食盡人食人。牛皮皮襖遭割烹。鹽池忽生纓絡草。拌入魚米葱油并。紅蟲即金魚子加葱油馬矢尾妙食謂其味如魚米追手俯拾糞堆中。物靡不爭鳩形鵲貌滿路側。白晝陰陰火光黑。抵死終無一人降。神號鬼哭呼殺賊。賊一再至鋒甚凶。刻期肉薄乘我墉。三至意態反閒暇。雌伏處女啞以聾。黃河天上鞭魚龍。嚙堤北入崩而東。城如仰盂水羹沸。萬馬蹴踏鳴萬鐘。良

嶽差高沒至頂周王何罪瀦其宮。人盡擠之窟穴底。一切塋具無所庸。賊前閉氣規地脈。順勢導與黃河通。黃河一通不可塞。賊亦奔逃喪魂魄。彫劫百年今漸蘇。城之四隅草其宅。歛鋤掘深二三尺。屋脊宛然瓦龜坼。下埋金寶未銷泐。州媚山輝一富國。朱仙鎮弔岳忠武。

憑弔朱仙鎮。當年此駐師。長河飲怒馬。老樹見歸旗。二帝遊魂遠。千秋墮淚遲。空塋風雨夜。亦有向南枝。湯陰故里。有塋衣冠墓。

潁橋弔李元禮墓

碧血千年化水濱。回天力盡遂亡身。知臨虎穴樓常侍。忍仆龍門負黨人。覆轍可堪尋白馬。禍胎竟至釀黃巾。東林亦遺同文獄。漢碣摩挲重愴神。迴環推宕古今三

過襄城示二兒

蛟龍池在縣北左傳龍闕於時門外即此又徐君墓延陵季子掛劍處在城北十里

北走襄陽道。舟車亦四衝。夾城縈潁洛。穴地鬪蛟龍。潦減秋田秀。寒留曉樹松。延陵曾掛劍。荒遠墓雲封。

渡洛水

在襄城南門外石橋數十丈橫貼水面有船有小車販烟葉者集此

淡已姑葉捆成堆。漿打潛魚跋浪開。橋面不應低貼水。宓妃夜半步虛來。

昆陽城望光武軍戰處

陣壓如山一面當。不勞突騎佐漁陽。兵因數少翻騰起。帝尚年輕易奮揚。計定入關除莽亂。功成踰月哭兄喪。艱危卒就中興業。此是開基大戰場。

尸填滿野水流丹。雷鼓從天怒上千。項羽不能誇鉅鹿。王郎多事起邯鄲。尚尊識緯誣周禮。劉歆以識緯竄入周禮故此書真偽各半而光武仍以緯學治天下旋睹威儀復漢官。從此執金吾不羨。遷都

終合建長安。

舊縣二絕

葉尹墨池

在銅龍臺旁俗傳沈諸梁畫龍此筆處

飼龍既有臺。畫龍亦有水。蒙恬尚未生。安得管城子。

秦以前已有筆此案博物志

王喬墓

賜履點朝班。飄飄落網間。到頭飛不去。遺蛻在青山。

山谷雙鳬觀詩青山空在衣冠古

入南陽郡

光武中興地。披圖我素諳。龍池星聚五。

五龍池

鴉路鼎分三。

三鴉路

山勢連商阪。江聲割

漢南。最多名士傳。懷古輒停驂。

博望城 張騫故封

侯封故里望依稀。太息西行應募非。海上牛羊拘屬國。月中環珮送明妃。烽屯絕塞

崑崙遠。血膏去聲離宮首藉肥。使者何功膺上賞。歸槎載得石支機。

渡清水 即白水今名白河諸將立更始於此

白河依舊水流漸。曾見羣雄歃血時。祖臘分歸銅馬帝。孫心名假牧羝兒。雲臺有氣龍方鬪。威斗無靈火漸移。可惜伯升為誰死。寒風蕭颯到今悲。

卧龍岡訪武侯草廬 明宣德中就廬址建祠春秋致祭

山脉起嵩少。蜿蜒西南馳。崖斷截奔馬。龍頭覆壓之。武侯本流寓。相地愜所宜。躬耕置理亂。長謝與世辭。其時天下才。魏得什八九。兵亦大有人。抗衡畫江守。帝胄無尺土。又無開濟手。躍馬避險難。拊髀歎衰朽。軒軒三顧餘。一龍為我有。出處關際會。漢厦扶將傾。世盡昧大義。卓哉趙順平。後世短將畧。據蜀宜歛兵。顧維付託重。敢忘白帝城。伯仲見伊呂。杜陵實公評。竊比於管樂。謙詞懼過情。草廬今安在。凭軾興不淺。廟勢拱荆樊。 博望鎮有泉神達漢沔廬有井青石為床汲經入夜聞兵聲。 有道士居住夜聞兵

聲乃馨香臚祀典歌罷神絃曲風雲莽舒卷

樊城感左寧南事

先封伯
晉為侯

百里長溝一夜成。左家從此不能兵。山河運盡英雄老。侯伯封高盜賊輕。旗脚星移無定所。馬蹄雷動只虛聲。樊城舊是屯營地。滿目頽雲暮氣生。

宿江城晨起即事

江城鼓歇一燈懸。竹葉春寒

宜城酒名

飲少眠涼笛生於無月。夜曉鶯啼及未花。天水邊

魚氣濛濛霧。樓外山光澹澹烟。試問白銅鞮。唱罷近來可有弄珠仙。

渡襄江題酒樓壁

代謝諸賢紀勝遊。大堤剩有最高樓。風吹歌舞如花去。月展江山與酒謀。封殖至今推格壘。審音多半出黎邱。一時冠蓋飄零盡。重鎮空傳南雍州。

題贈襄陽杜羹臣明府兼呈陳白崖太守

槎頭出網酒懸旌。半日淹留十載情。

甲子冬別於京邸

絲竹從新編禮逸。

竹簡青絲簡編楚昭王冢中掘得南

齊劉繪曰此周禮逸編

池臺終古愛詩名。荆樊中介牛頭勢。

牛頭山名在均州江漢長流虎爪聲。

物如虎掌爪

付與登臨賢太守。落梅風裏聽倉庚。

太守曾和予後梅花詩四首

口號

琵琶在手不停聲。飯甑輕烟水面生。莫向野鷹臺上望。斷腸最是轉春鶯。

使襄陽事恰好

入安陸。由富市之石城。

安陸明嘉靖間曰興都富市即漢新市也莫愁村在石城今因金陵莫愁湖名較著忘其為楚產矣

道是興都跡已陳。江山到眼境猶新。漢因帝業收羣盜。楚以村名贖美人。黯黯風雲

如欲暮娟娟。水月

四字見項安世詩

却逢春披襟當處歌聲起。白雪樓高不動塵。

樓以陽春白雪名在

府南城上

雨霽由園林之建陽

車幃三日閉新婦。今朝明霽眉始開。遠坡樹欲向空立。平嶺水從何處來。屋若斷雲不成族。田皆斜幅誰所裁。自鄢之郢四百里。黑土一色夷陵灰。

皆黑壤

登雄楚樓

西陝

荊州為西陝見元和志

遮三楚。南音革百蠻。奔瀧狼尾磧。叱馭虎牙山。樹隱空煙外。

宋子曲江

樓記

花霏絳雪

名堂

間。雄風樓畔起四望。一開顏。

上游推重鎮。合築寸金堤。

堤堅厚故以寸金名

拊背憑三海。

孟珙引諸澤水成之以護城

吞胃納五溪。地蟠

衡岳北。天壓武關西。戍鼓今虛設。滿街歌踏蹄。

書精華錄漫興雜感諸詩後

因詩首及荆襄固余甫經地故有是作

親藩護衛削嫌遲明宸濠異姓王封徙更宜。成命母收須用斷。反形已具又何疑。關中

降盜罹祆鳥馬鷄子等江左嚴城卧老熊長沙守臣望風奔逸若使先期防守密。只消折簡便招携。

跋扈雄風萬里生。隔江烽火照襄荆。險憑鐵壁因藏甲。富倚銅山可鑄兵。閩粵鷄連

空鼎峙。戎蠻烏合易巢傾。天亡劉渚征無戰。坐障黃河側手成。

金甌無缺泰階平。不意同時告變生。邊隙竟亡甥舅禮噉而海氛又盜婦翁兵孔壯武壻

齡孔廷頻帝杜宇全家血楊三知劉士英及劉欽鄰陳丹赤徐結王臨元諸士英諸家忽墮妖星大將營王輔臣攻殺莫忠慈

以次剪除如反掌。受降兼許築三城。

短簫鏡吹曼龍吟。亦有遺忠錄可尋。柴市三年從信國范忠貞畫壁記馬忠毅棠草辨疑灰釘一夕

請王琳。熊蹯未熟修降表。崔駁曾探識苦心尚之信刼父可喜叛降吳逆可喜以憂死功節分明頒賞重。

哈番世襲到於今。

絳帳臺荆州西門外馬融教授之所

水闔臺基樹少陰。殘碑字斷土埋深。彈絲吹竹傳經具。倚社凭城草詔心。花底有人

呼狎客。傳中無地著儒林。披紗縹緲今安在。萬卷書堂別處尋。

朱昂萬卷閣田偉博古堂藏書三萬七千

卷俱在城內

辱陵弔孫夫人

孫夫人疑昭烈別築城以居即此

紫髯將軍都建業。西吞巴蜀東吳越。長江南北畫鴻溝。要與曹瞞分漢室。區區鼎峙非其志。左公可以思義結。筮得歸妹昏媾之。天下英雄多好色。妹亦女中一人傑。侍婢明粧劍環列。月下玉人誰復佳。凜凜戎機臨虎穴。荊州借得作湯沐。割據幡然帝號竊。中宮正位吳夫人。妹乃徘徊中斷絕。阿兄誤我母則亡。劉郎薄倖心如鐵。辱陵別築衛以兵。兵敗號亭人不活。從此游魂無所歸。淚洒湘妃斑竹裂。神絃鼓曲沉紅絲。誰赴螺磯寒食節。遺廟宵來風雨多。明珠步障聲蕭瑟。

唐冢夜坐

在公安澧州之交

流水怨遙夜。斷雲思故山。湖分南北半。公安屬湖北澧州屬湖南春在有無間。爲倚風傳語。花邀酒解顏。夢中如得路。及此便東還。

公安感昭烈事

荆樊險已失重城。老去英雄用憤兵。孝直猶存可及止。孔明何事不從行。繡林月暗山無色。金屋風淪浦有聲。淒絕永安宮不見。榛蕪莽與暮雲平。繡林山昭烈娶孫夫人處以錦障若繡故

名黃金屋見呂溫劉郎浦詩

法孝直可憐孫夫人可哀

宋玉廟 在澧州長樂鄉

巫山神乃天降予。玉篆靈符佐大禹。淮渦鎖住无支祈。神去神來神不語。霞為衣兮風為裳。羽旂璇室渺何許。無端一賦誤高唐。暮暮朝朝有雲雨。迷離絕似武陵孃。荒誕幾同磨麵女。從此無情生有情。是邪非邪夢境呈。楚襄坐以忘仇罪。宋玉蒙其好色名。當年託諷神光遠。女也懷春愁繾綣。水中羅襪步非虛。月下玉笙吹不斷。先生遺行豈在多。貞淫二字關懲勸。遺廟荒村今尚存。墻隙無人啼鳥怨。蘭草香飄明月池。桃花目斷銅昏堰。

遊武陵溪書桃花源記後

四圍環繞天如甕。紅霞織錦花無縫。船從何處刺花開。世間那有秦人洞。秦人避亂晉談仙。與楚好鬼相牽連。陶公假託出世想。毛女附會升天緣。茲來亦是桃花渡。桃花未開杏花暮。杏花亦復可憐人。何必桃花問前度。漁弟漁兄不知數。滿前指點安得誤。峰迴谷轉水淙潺。到眼濛濛隔烟霧。倦游人自不尋源。琴彈歸去來兮賦。此賦已入譜三十五天懸道書。桃源白馬洞即道書三十五洞天何人敢犯龍威怒。藉口重來津已迷。阮劉惆悵

悵天台路。東風遮住洞中春。歲歲桃花笑煞人。

堤上名花馬堤在西關

山水有佳致

二字見劉禹錫武林序

長堤亘斷虹帆行螺髻上城坐翠屏中魚濫村多霧江虛

夜易風無家不事鬼腰鼓打巴童

武陵郡雜詠六首

蟠桃巷

邑人開地見王龜得大果九枚遂引博物志以為蟠桃名巷

寂寂花谿鎖翠巖桃根桃葉不宜男九枚果似周萍實錯認蟠桃出土龕

玉帶河

河如玉帶形後張頤為發運使畀玉帶果符其識

一條秀水玉無痕符識方知玉帶尊畢竟東坡能作達解來布施與山門

木瓜山

李白謫夜郎過此有詩

夜郎去後不曾還一曲清平沮玉環如此談仙如此酒客心也厭木瓜山

萊公泉

公與丁相先後過此分題名于東西楹丁有詩而公無詩

一楹西峙一楹東兩相南來禮佛同詩板空題金掌露此泉到底屬萊公

琵琶洞

洞中隱隱聞琵琶聲

聽雨聽風洞水流哀絲誰作下泉遊馬嵬坡冷檀槽溢環珮歸魂伴素秋

爛船洲

世傳漁郎入洞後出舟已爛

路曲仙迷棹不回。空身抽出水雲堆。筆牀茶竈傾家具。換得桃花一面來。

由武陵之桃源

南岸山連蜷。北岸樹威遶。船行乎其間。渾身發寒淥。石子凸江心。與水相沐浴。瑤瑤琮琤聲。雜珮鏘碎玉。不見一捻紅。雲陰天靄靄。陶公倘重來。何以答幽獨。桃花殊有知。公所愛者菊。菊得秋氣佳。我未能免俗。迄今持晚節。退居於空谷。溪上多游士。避之恐不速。招徠鶴巢松。禁止鶯啼竹。再隔三千年。出尋東方朔。

由虎跳澗至銀壺山

雌雷洛洛雨鈴淋。纔得微晴忽又陰。雲氣屏橫山半面。磯聲箭擊水中心。地皆砂礫晨炊少。人似猿猱谷汲深。聞道華風在城市。此間椎髻學蠻音。

居山之背皆蠻俗刀耕火耨為業唯近城

始有華風

新息侯廟

在辰州城東三十里

遺民立廟俯江隈。萬里功成得禍胎。人借明珠填謗篋。天留銅柱配雲臺。據鞍垂老不須諱。穿穴避炎良可哀。身後妻孥淚無限。蠻鄉蒿莖幾時回。

仙蛻石木槩

石在沅陵樹水洞上石實十一實中藏木槩五所謂沉香棺也此

代物激浦楠木洞有船長可八尺所謂沉香船也亦不可解雲間陸宦沙來

窟窟仙蛻石舉手天可攀瞰臨無底溪樹根戟倒攢勢削銳頭出下絕梯升緣何年

木槩五纍纍風樾懸放悲昆吾觀披髮神所躔又疑屍陀林街肉鴟騰騫回視楠木

洞乃有沉香船嵌空無波濤誰為百丈牽識是攻崖具其式機床然昔者蠻叛服度

師於其巔鯨鯢同一族狼籍堆空棺時聞雷火擊殺氣森戈鋌及至星月黑啾啾寒

號煙煩冤一滿雪死綏惟汝賢無家可適遠長此姑安眠

辰州城二首

城為黔中門戶扼五溪之要強俗雜居故設巡道總鎮衙門

城倚山為壁形規月半彎屏迷防物怪爰托限溪蠻馬蹕紅旗上人酣白霧間俯江

樓名共辰一座鎖鑰視巖關

江長一千里中介立兵屯耕種皆刀火桀桀有子孫結鈴抗獠不狼聚皆其遠種石梯緣虎落銅

柱馬羣范所立非伏波也蔽龍門麻陽舊為龍門縣跼跼鶯飛處伏波今尚存

毛家蕩晚目

山家也厭山枯槁疊起青烟一縈繞隔離樹石晚多姿此山却比他山小明朝祈雨

不祈晴。晴猶如鏡。忌太明。雲繒霧縠。雨織成帷。中邪尹同傾城。看花宜趁天未曉。霧氣濛濛。花幻眇。世間誰是別花者。喚起名鳥一聲花已了。山不如花。山易老。目成勿用窮微眇。那堪轉側為君容。朝縱暮橫看盡好。

辰溪舟行不得見山中石色

自船溪驛至縣四十里。山石千形萬狀。無所不有。林鵲風景。謂得輞川圖中北垞意。此陸道也。舟行

則山脚相醜。了無足觀。然其內美不可沒。故紀之。

五城之山

莊騷

石校檜。詭裝奇服。紛多態。或如鸞翔。或虎踞。或蔽林間如鬼魅。有時

樓閣造天匠。無端車馬破地械。人家竹隲森周遭。雲卷煙升畫圖內。乃知佳處在腹不在外。而我溪行相其背。狐裘反衣將毋同。珠藏賈胡櫝出賣。咫尺千里背而馳。平生錯鑄茲遊最。南宮贖本姑自誑。東坡袖中失東海。蘇詩我携此石歸。袖中有東海。真入寶山空手回。眼眶負此車輪大。

穆天子藏書室

在辰溪縣鍾鼓洞。明正統間。穆父入石室。見書報縣。縣令某往取之。書隨風滅。盡無存。

大禹藏書委宛山。繡衣使者授之金簡青玉編。鍾鼓洞中藏書室。神呵鬼護乃在南服之要蠻。始知蒼頡作書後。鳥迹雲布蟲絲纏。隨時埋棄不知幾多少。非無書也書無傳。緬維帝堯年。事事開其先。若無天官書。璿璣玉衡何以懸。若無地理書。何以封

濬諸山川。若無禮樂博物志。柴望何以升中天。咸池雲門大章何由宣。何由九鼎圖
神姦。人言臯夔稷契書不讀。不讀書者為此言。竹簡易斷爛。刀削筆畫半不全。一經
兵燹往往散之墟。墓榛莽間。後人悉以歸罪秦火燔。孰與嬴政鳴奇寃。即如穆天子
藏其副於柱下史。而乃取其餘。八駿馱之行萬里。大酉小酉高嵌欽。辰溪大酉山又小酉山在沅陵
皆云穆天子藏書處洞虛其中。綆汲深。弃此免受耰鋤斤斧侵。千萬世後當自有知音。君不見
汲冢周書書古文。魯壁鏘然金絲聞。書之顯晦有幸有不幸。或不幸天也。留待真能
讀書人。人非其人。脫相遇。寧隨風滅化為灰與塵。儼然一樵父。破壞此局胡不仁。此
書得出競傳寫。當與岐陽獵碣同作周家珍。

鷓鴣灘

嚴陵灘亦有
灘名鷓鴣

釣臺倒影鏡空明。猶記彎環七里。名程一夜鷓鴣灘上泊。曉烟啼徹畫眉聲。

黔陽道中

放舟十日九日雨。當面錯過千萬山。偶過微晴啟蓬坐。後未及顧瞻之前。蜿蜒一氣
連不斷。石坡陀上牛橫眠。昂頭鶴立忽俯啄。兩翼拍拍鵬摩天。一峯介然意不黨。旁
無姬侍鰥夫鰥。亦有兒孫尾而後。丈人領袖蒼其顏。大都生竹樹者少。半額寡髮頂

禿鬚崔氏不施種藝法脩髯剔去郭恕先蠻邦婦女昧裝束無鉛粉碓無脂田坐學
此山太古色混沌永絕蛾眉緣中江夜淨貼奩鏡空讓月浸花婢娟

高梁洞上灘

萬山建瓴水直下勢懸溜而故屈折之拗怒毒愈厚呀然立洞門夾束氣不透穿罅
鷗鳴箭殷空牛吼樞濤春堆疊雪漩撇蹴眾縐船尾如曳龜船頭仰舒味鏗然不受
篙支左先誑右中心起鐔鐔大聲呼疾救跳珠濕滿身手與霹靂鬬負索腰環環邪
許聲應候宋鷁防退飛吳象忌反走蟻旋磨出險喃喃口詛咒不敢問前灘億矣矧
多又

凌霄宮

宮壘凌霄女沅州祀為大神時有火鴉街
火置茅屋上兩翅扇風發火故境多火災

南方赤帝主祝融舍之弗祀乃有凌霄宮宮中夫人姱脩容時聞環珮聲丁東女丁
婦壬水配火火乃用事陰陽通不然何以霹靂常在手雌霓連蜷為雄虹豚肩斗酒
日饜足紙錢三品金銀銅小一不戒灾立至燎原烟焰天為紅君不見甘將軍廟江
之中慈烏啞啞翔虛空帆樯安穩護出境不聞下策用火攻夫人好雨亦好風樹桂
旗兮駕螭龍雲中君兮時相從馴獲鴉翅化鷹眼鴉音一革鳴雍雍鳳皇其羽棲梧

桐

水為火主
註出實諦

過沅州奉懷瑤

珠太守

戊辰冬西師過望都太守以兵部郎監督站務駐定州數閱月

中山持節冬徂春旁午羽書馳火輪安得狡獬五百里

一時限行五十里

却來組練三千人

京兵此數

漿酒藿肉太爛熳集鐘驚鼓何紛綸如今一麾出典郡兵衛燕寢無纖塵

龍溪口

西三十里即黔界

箬蓬蓋頭懸地窟伏雨闌風晦日月公亭

驛名此地一見日先是夜復雨

漏洩扶桑曦優曇一湧蟾

蜍沒昨夜有鷺禽始鳴今朝刺眼桃花橫前此棄我置勿問得償少許良已盈但願

此境如咬蔗齒頰漸漸瓊漿生惜乎楚尾亦易盡逝將去汝黔中行黔中新人非故

人故人踈索新人親新人織絹故人素而我一步一迴顧楚歌楚舞無前度楚水楚

山有餘慕思公子兮未敢言恐美人之遲暮



海珊詩鈔卷第十

烏程 嚴遂成著

玉屏舟中讀五代詩話詠南唐後主事十首

卷帛書成妙撮襟。文房牙校印澄心。歸朝不作降王長。只許頭銜署翰林。
暮雨凭闌風滿懷。紫風流下玉生埋。黛烟漸冷琵琶背。為有香階金縷鞋。
寶裝璆珞九枝分。稱體宮衣篤耨熏。步步生蓮金貼地。不如纖小足凌雲。
僧伽裁帽袈裟。佛帳春寒四面遮。桃李風吹輸一半。紅羅猶自冒梅花。
遷鼎南都議不終。靈槎西下錦帆東。割江已引屏風障。那得盃中落皖公。
石城舟渡雨瀟瀟。隨虎明徵篆未凋。金錯刀書金縷子。如何抹筆誤金朝。
振破金鈴染肆開。番兒水上唱檀來。檀音陀俗謂之檀可憐徐舍人多事。徒落空中作豆魁。
金箔櫻桃落暗香。風吹池水玉笙涼。不知世有牽機藥。蝶舞鶯狂到醉鄉。
結綬南歸愧可知。樂官山下宴殘時。海青一慟琵琶碎。絕勝秋槐葉落詩。
瓊枝碧月兩模糊。譜按霓裳記得無。地下若逢陳后主。多因治國少工夫。

又雜詠五代事十二首

曲宴宣華唱柳枝。朝天萬里執鞭絲。凭樓烹燂厨當面。家世元來是餅師。
涼風吹水皺摩訶。鬢亂釵橫奈爾何。九十朱尼今已死。更無人記洞仙歌。
九龍帳子夜燈紅。綵舫歌聞美滿風。春燕進飛游轉樂。荷花一路活秦宮。
摸金埋玉送還家。漢水東流夕照斜。垂涕驚鴻徵舊曲。春愁烟鎖木蘭花。
五色靈芝骨本麤。相公曲子嫁名無。釣龍過馬經游處。忍對含桃憶帝都。
蕭蕭風雨客牕涼。秋苑春城夢渺茫。生長江南紉綺地。北來翻食剝皮羊。
司徒不作況司空。流水桃花玉洞中。九朵峯巒徵復起。沈公竟不效何公。
石裂金鷄事近誣。西湖使宅免漁租。雲英重見衣仍白。不伴秦松作大夫。
鍾舉玻璃滿酌之。吐茵倒載出宮時。尖簷帽子葫蘆樣。大好春光驛女詞。
嶠冢祠前漢水旁。呼名叫斷野賓腸。朝元閣與安妃閣。鸚鵡都曾問上皇。
楚水通吳路不長。歸遲毋乃為青箱。春風一夜飄零盡。白鳥雙飛下海棠。
五七聲中曲已移。喝馱子乃俗傳疑。周郎死後無人顧。讓與西堂十四姨。

竹車

激水灌田具。無車止有輪。輪有二相。去一尺合編為一徑。約二丈中支數

十小竹為輻輪外一扇一筒相間各五六尺綴附之扇長尺二寸潤半之處則水下傾當其傾處下剗椽木為水船灣入田中層層梯比可使及達然

唯岸臨溜水可行其法先於上流數十丈外壘石為埂由寬漸窄逼水近岸開缺口寬深三四尺為轉輪道此需人力吾鄉為平江路其法難行或山店有泉有澗亦可一試比較水車何止事半功倍哉

圩岸削立上有田外臨急湍方洄沿壘石遏防束以隘輓雷怒拓喉龍寬竹施板枋形取彎圍徑丈餘車輪然再副其二為重鑲中安小輻著在枋咸傳軸心機轉關孰為激之間用扇方幅狹裁相綴連隨風濡首驅使前降如月蝕升鷹騫截筒口張載翕舌長尺有咫勢小偏俯作牛飲水入腹左旋而上蝸吐涎半剗竹腹長於船股束高架肱橫眠職惟仰承主假道尾閘不絕泉涓涓桔槔尚煩一夫力此法較逸人無權耕父歛跡清冷淵歲三百億三百廛我歸山樓營數畝種秫種杭隨所便命工仿造老農喜官口在外三十年學取一具良已足寒冬只愁衣裝綿更須乞巧祀先蠶園客甕繭蜂窠縣

宿鎮遠永安橋寓樓夜聞溪水聲有感

猗花荂草環參差黔中北門鎖鑰之有橋屹然禁踰越

此船至此止

我借峭壁溪為池溪水

南來諸葛洞兩崖東帶旁無縫及比山勢更屈蟠圍之數重懸大甕甕中水鳴鬱則怒虎未啞人氣先餓遇石抵觸龍噴涎紅日當空風雨過夜靜颼颼茶鼎沸朝喧浮

浮飯甑破。或琴或筑或鉦聲。隨水盛衰為小大。嗚呼水趨沅澧。匯江流直達于海。無盡頭。我若迴船向楚尾。可作吳興清遠遊。田園易主那暇理。一盂麥飯澆松栢。家家上隴作寒食。時二月二十八日腸斷溪聲是此樓。

相見坡

坡三重迭起高皆千仞此以手招彼以口答響應若咫尺而不知其三十里之遠也

一峯銳頭出。左右拍兩肩。其形卓筆格。坤斷乾三連。咫尺若暱就。萬古不得前。各各據其鼎。孤撐爭霸權。時復相斌媚。並馬秦虢韓。我意聯屬之。駕空樓飛仙。閣道夾欄檐。雲氣為縈旋。銜石乏精衛。中窪不可填。登頓疲蹇足。蟻路秋毫緣。呼嘯響捷報。聲風奔驚湍。垂堂戒發軔。搖搖心旌懸。

飛雲巖

天工切石如切泥。搏之抔之紛刀圭。亦復琢雲如琢玉。巧匠雕鏤納山腹。呀然一口中穿空。其下湧綿擘絮螺髻何蓬鬆。鐘乳滴成石變相。鱗鬣森動雷而風。咸與雲氣相追從。當前矗立太華蓮花峯。儼如三島浮自海上蓬萊宮。傳聞巖性忌不潔。往往呼泉一洗滌。昔有身居者宿此泉水突起彌漫山椒而幹之再垢復滌官中那有清淨身。杉槽漆斛名無實。既來未便大匆匆。滿飲僧茶消水厄。

崇安江

石級編排雁齒齊。引繩徐渡岸痕低。依山虎踞來諸衛。挾雨龍游下五溪。莊躋桡船
湄甕北。唐蒙持節夜郎西。番禺不是經流處。賴有黔書辯白題。郭青螺謂江入番禺田蒙齊考正其誤甚

斯丁煒評云辨白題選此精核

楊老驛

地街而險屢經苗亂設城城外有橋跨河廟祀竹二郎其河疑即逆水禁民捕魚唯官網取之

一塹截山腰。烽屯設麗譙。兜啼浮竹幻。洞接大風遙。大風洞在三十里外其後門通此斷罟懸魚禁。

飛書落鳳鑣。莒城毋恃陋。城石頑敗銅鼓擊花苗。

過平越懷明李襄毅平播事

襄毅移駐重慶黔撫郭子章駐貴陽楚撫支可大駐沅州為犄角川師四路黔師三路湖廣偏橋一

路又分兩翼

播寇根盤七百年。膏肓李靖握中權。三方分鎮逃無地。八路懸軍降自天。書詰近交

龍澄安疆臣

除虎翼。淚零悍將蹤。躍龍淵。還朝奏捷須臾事。

自出師至滅賊一百四十日幾度南征笑

麓川

冷溪曉行之谷溪

雞犬聲遙樹亦稀。人家多與竹相依。濛濛霧結千絲網。稜稜田栽百衲衣。絕壑臨溪

如玦斷迴峯聲翠忽翬飛不愁前路花無賴燒後黃緣草具排

狝家

多樓居孟春跳月編綠如瓜謂之花魁視所散者擲之其男子陰賊嗜殺唯用鵬勒法稍載俗以米糝牲骨作醢至酸臭為佳

狝家女兒新樣粧巾蒙了髻如箕張短衣及腰才二尺五色裙拖着地長破瓜年紀
喉嚨小藝歌唱出晴絲裊被風吹斷忽無聲聲曳前山青不了春場草綠流鶯流家
家結隊拋花毬參差未定落誰手天壤所重翁多牛聘賢多至牛三五十頭淬刀躡屨花底活
樓居酸臭空傾國學成鵬勦盜父兵只為阿奴應破賊

甲秀樓

明江公東之造田中丞雲重脩有記在南城外釣鰲磯上面涵碧潭背霽虹橋其水入粵西東距棲霞山二里

江公締造越年多紀勝田碑字未磨地鎖澄流橫蟬蛩天擎柱石鎮鼉鼉月明筆札
招王祭風起樓船制趙佗况對棲霞山色好環城空翠落簷阿

會城之水皆入為江即牂牁江唐蒙上書浮舟牂牁制越第六句本此

陽明先生書院

先生昔淪謫馬曹名位卑耳目所聞見侏儒而盱眙從者饑且病析薪親作糜逆璫
蓄蠱毒鍼氈坐不時欬然中夜起若有人告之與汝安心竟了悟參良知遂著五經
說衣被及羅施昔夢王越劍光焰騰雄雌擒濠挂岑猛撫玩如嬰兒桶岡藤峽盜次

第受平治

平聲

當其規石柳。九死將安辭。一朝輟講席。虎變風霆馳。有明數將畧文武。

真兼資。龍場訪古驛。君子亭已夷。鹿迺竄蔓草。熊館蔽枯株。中丞田新締構。典型儼

在茲。四條問答錄。遺聲傳金絲。水西安宣慰。三書曾致詞。代謀安反側。功踰十萬師。

壬戌一不戒。安奢之亂禍變生瘡痍。轉借後車鑒。前事彌可思。盼蠻報明德。到今行路悲。

遊白雲山與僧談遜國諸偽書

山在貴陽城南七十里有菴名羅永相傳老佛遜跡之所

黃石公書偽不真。留侯亦是尋常人。帷幄運籌其事秘。以之竊比劉誠意。誠意果挾前

知具。債轅之駕何能斃。偶識西湖一雲氣。附會刊成紅篋記。青宮儲位嫡長君。預與

他年辦披剝。金川門啟地道開。軒轅升遐為大帝。牢落西南四十秋。詩出元人誰託

戲。江陵耳食輒以聞。傳信傳疑無定議。二使胡榮朱祥齋香十四年。鄭和屢泛紅毛船。網

羅告密滿天地。何物公然有程濟。仲彬生平不識字。孫誣其祖置科第。從亡客問致

身錄。年月日時皆互異。我鄉史筆三數公。西河竹垞稼堂諸公老吏斷獄案足據。茲來禮佛羅

永菴。杉合東向乃南向。洞中流米井疏汲。黔人好鬼姑妄譚。維貌之騁祀南八。貴陽有南

霧雲廟謂之黑神以筆為諱王竹三。筆竹之筆改而從貴諱之也黔多竹三郎祠溪龍黔水一洗耳。白雲仰視紫

山嵐。菴前大杉數株謂帝手植枝皆南向有流米洞帝去則不復流又有井汲者必跪乃可得相傳以為溪龍所獻以供帝

永樂十四年。胡忠安還朝。成祖已就寢。急召入。語至夜半。嗣後遂止掣蹻之訪。詔鄭和班師。則行遜之跡絕矣。至題壁三詩。謂在滇獅山龍隱菴者。乃元人前作。江陵未之見耶。然使天下大師。果已歸老有墓。君臣安用此問答為。亦足以破一妄也。

柳坑

所謂養龍院在養龍司去貴陽百里事見明宋濂溪天馬讚序

龍性好淫。牝馬貞。一水一陸分道行。而况齊大非鄭偶。口然作合於柳院。兩山夾峙中停泓。春日穠。花始明。欸忽晦冥起雲霧。蜿蜒沙跡陰陽爭。實嗇其母潔寢處。子氣無關。龍駒生。絳而曳之齊其足。毋使振鬣輕一鳴。亦用古人胎教法。責在千里期大成。緬維洪武初開國。明昇貢馬院中得。長十一尺高九尺。人立而吼。謝羈勒。囊沙壓之游苑中。追風躡電清涼宮。文憲宋作讚晉馬作繪。賜名乃命飛越峯。世間英物不常有。踰四百載院長空。太平天廐龍勿用。吉行三十我馬同。鼓車已却重譯獻蒲桃。不錄邊軍功。尋常惟肖銅馬式。龍亦歸馴戒在色。

黔中雜述四首

山周遭處路疑無。石磴盤盤一綫孤。躡險反教飛鳥退。絕深賴有斷雲扶。花還念舊

常相見。泉自均輸不用符。正值春場跳月後。搖鈴振鐸鬧蠻奴。

蒸秋朝朝瘴氣重。西行僊蹟失三峯。何山不肖蹲龍虎。是石皆鳴憂鼓鐘。諸洞中石

之有聲一水懸流分楚蜀。烏江一說北入岷一說南入大江六時易候合春冬。朝御重裘過傳

奇最是花生竹。玉粒珠旒濟病農。某年貴陽旱竹類生花結實如粳糯民多採食味清甘獲濟

鬼方巫號大奚婆。要熟須從這裡過。馬蚌凶於逢魍魎。蘆笙淫似啖鴛鴦。明知楚葛

鉤腸少。錯認燭麻螫手多。更有金蠶光飲水。行囊檢點佩蓑荷。馬蚌即馬蟬上岸時如屋大蘆笙聲如鴛

驚之啖蓑荷葉能解諸蠱毒

山谷書藏隨杳冥。楚僧摹刻亦飄零。永流凱里地名誰提槩。花照薇垣不効靈。撫署紫薇

花大四十圍高出隅表黔森唯此一株中夜文成王曾悟道。六年忠介鄒繼傳經。天荒一破唐劉蛻。爾

雅方言近可聽。山谷離黔時留經史詞賦理學數百卷於學宮閱五年提學某以瘴亡書盡散失黔人秦子明置石摹勒長沙僧寶月古法帖十卷置之

黔江之紹聖院今皆無存

安順府 提督駐劄

節鎮嚴兵地。魚鱗萬瓦稠。井參捫六詔。襟帶綰三州。嶺碎分龕立。雲低合掌收。盤江

天設險。沉鎖制橫流。

淮陰侯後

鍾屋難作有客匿侯三歲兒詣蕭相相遣客作書與南粵王佗佗養為子封海濱用韓半姓錫詰勒之鼎器其說得諸楚張越今定番有

韋番司其後也然問其受姓之由及書與詰率皆不知而云無有

韋番司是淮陰後其說荒唐出楚咻復有程嬰存趙氏由來士燮在交州間關萬里書誰寄著姓千年詰可留姑妄聽之差快意漢家網漏小韓侯

白水巖瀑布

萬山水匯一水大訇訇聲聞十里外巖口偏仄勢更凶奪門而出懸白龍龍鬚帶雨浴日紅金光玉色相蕩盪雪淨絞綃落刀尺大珠小珠飄隨風風揭疊之繪變相三降三升石不讓有如長竿倒拍肉飛仙中絕援繩躍復上伏犀埋頭不敢出懷寶安眠遮步障

內有靈犀相傳吳叛時有解餉官棄數十萬于此

我欲割取此水置袖中曰恒煥若書乾封叩門

挈瓶滴馬鬣槁苗平地青茫茫豈不賢於谷泉之在香爐峰坐享大名而無功

巨廬谷泉

名三疊泉與此巖同

由坡貢之郎岱

望遠我我冠切漢衣襟霞舉天之半經宿崎嶇目已迷雲烟各自開生面一峯暈近若舊識乃是三日前所見以身盤磨蟻穿珠左縈右拂香爐篆高履星行下窺井轉

眼之間凡幾變區田隨勢列等差如規曲尺如劃線什什伍伍不成村殘梨在樹落微霰風無定所歷亂來畫眉聲碎彈翎怨

打鐵關

高懸鳥道曲盤蛇打鐵關頭取路差霧涌海濤噓颶母雲蒸山翠幻雲華俯臨萬仞疑無地旁指三苗近有家忽得一亭堪小憩冷然借作禦風車

關上有亭額曰冷然

也善

渡盤江

鄒太傳作督時新改道江口自題其坊曰西林渡距鐵鋪橋六十里

盤江源出金沙江自烏撒入懸奔龍踰二千里流益怒影砂礮石以力扛尸浮龍令不知數天塹劃作蠻夷邦始馬貫絙三十六兩崖雲棧橫空絡有風撓之鐵則鳴人到中央濤浪作後來改制橋落成巨材排比雁齒生銳頭而上牛鬪角中跨鵬背魚貫行轉以板屋夾欄楯琳宮梵宇交回縈積日累月計程度鬼神助役工非輕豈知迤西有僻路舍淺就深前事誤花河彝音彝鮮音鮮地黃草壩赴滇較近目無睹直從莊蹻至於今地老天荒扁鐸固偉人帝錫初奇功屹然坊建西林渡江寬尋丈水安流昔遁新獲固周涸陰平間道取鄧艾盧龍絕塞規田疇鼉鼉為梁烏鵲駕遜此平版龍

夷猶省水衡錢民利涉。棹歌一聲飛白鷗。

象責

普安州新開銀鑛
云夜見白象出遊

馬竈之象所好義。吸水噴泥以戰斃。

州有義象冢死
于明水西之戰

普安之象所好利。魂遊夜現金

銀氣。爾不見白水岩掛珠簾泉。下有伏犀懷寶眠。彼徒硜硜自守耳。爾乃能令廉夫
頑。躡蹻勘牖捶其塹。蛇行而入偃僂焉。訇訇伏雌聲走漏。欵如風滅空手還。有時水
溢土頽壓。松肪一熟雷冲天。是皆亡命無賴賊。睚眦動輒操戈鋌。追維禍始導先路。
視冢中骨功罪何相懸。如今披鎧執燧兵不用。滇南歲例充王貢。膽隨四季柱山立。
瑞比祥麇狎威鳳。劍佩花迎柳拂旗。瓶裝七寶朝儀重。前車以賄焚爾身。茲胡不戒
婁蠻峒。爾惟火急驅除之。毋誤農田春播種。

由劉官屯之大山凹

半年少雨如火燔。地龜背坼沙飛翻。風挾山陬有殊力。鳥耽林寂相與言。石皴鬼臉
大於屋。花齏粉團饑可食。轉過一橋涼滿耳。涓涓不絕泉之源。

黔行錄疑

山川無語石慙生。碑刻傳疑未易明。關索不書陳壽志。復

音

公應易顧成名。子能爵

父千秋祀佛為尋仙萬里行。那暇深求姑縱目。三岔河上石花晴。

壯繆二子長曰平。次曰興。興曾從武侯南征蠻。無所謂索也。此關索嶺之可疑也。玉堂漫錄。鎮遠侯顧玉辛。贈復國公。夏上少一畫。正韻不載此字。贈夏國公者。顧成也。此復國公祠之可疑也。宋高陽都部署康保裔。以子承嗣為清江太守。祀於新麥。此與南將軍以子繼英為貴州團練使得祀貴陽。同一可疑也。張掣躡本道者流。假其名以跡老佛。從而仙之。則倒馬坡巾策西行之蹟。又可疑也。三岔河絕壁石花小如掌。大如輪。花開時。水大盛。不能往。及涸而尋之。淨無根瓣。即目擊亦大可疑。而碑刻所傳無論已。

雲安坡

鐵索橋舊道白雲雲安諸坡鸚鵡等處尖反峻險不可方物春夏連雨山水成湖瘴氣無分朝暮逼近諸蠻橋于順治十七年康熙二七兩

年屢經請帑治今新道則盤江至此淺狹路較平易避前諸艱顧歷代渡師舍之弗由直自鄂太傅發之誠異事也

白雲坡接雲安坡。行不得也。鸚鵡呼。有鸚鵡寺手捫霄漢瞰深壑。劍刃倒插牙角麤劣容

單騎一失墜。毬轉圓石拋頭顱。雨霽成湖朝暮瘴。叢篁密箐森兵仗。屢脩屢圯鐵索

橋。安得般倖將作匠。何如鎮寧取路生。盤江失險瀏其清。陳倉燒絕蜀道易。波濤不

與魚龍爭。傳湯諸公初明狃陳迹。桡船削梯趨昆明。水西渡師我朝亦迂拙。貽我太傅

功告成爲撒已除七驛置奢香麓川無族三征平驛驢跨蹕捷足萬里一塵今不驚。

野花

春風如剪刀。剪碎五雜組。蝴蝶麻姑裙。紛飛作團舞。點綴溪谷間。毋謂黔也魯。土人棄物棄。新材供饗全。移置無花處。超然亦霞舉。目成今則誰。英殘蘭草履。

憚冰牡丹

冰壽平女畫得父風壻縱博數負進巧畫償之蓋逸品也

宛然水養蠟封來。家法流傳博士才。只爲殷君充戲責。玉纖親捧紫龍盃。止一蕊紫色

蘇得梢頭酒氣無。印痕一捻可煎酥。品題極妙曹宗婦。不讓桃溪柳岸圖。

黃靈

桃花潭吳龜身長而狹家鉤類鸚鵡背生鬚尾帶甲如龍鱗

有鱗如龍。不能雲雨。喙如鸚鵡。不能言語。鬚如鰕鬚。帆檣斯舉。剖取成簾。爾各不與龐然大也。靈於何許。誰錫嘉名。黃能爲侶。漳江月色。八景之一爾清夜遊。桃花環匝。與爾目謀。懸布跳珠。瀑布千尺滴入潭中富爾所求。潭深無底。爾優爾休。緊爾遠祖。浮洛獻錄。二四爲肩。八六爲足。平平無奇。立洪範學。爾虛有表。無字煮腹。駕龜鼉梁。爾長弗屬。負巖頭碑。爾狹弗副。安所用之。不才者木。惟壽可知。容容後福。

海珊詩鈔卷十一

烏程 嚴遂成著

題滇南勝境坊

歷盡崎嶇見此坊。轉從高處得平陽。月明手摘星辰大。風暖衣熏草樹香。山壓黔中羅釜岳。朔頒海外達梯航。有苗格後今無戰。水碧昆池陋漢皇。

交水

即雷益州合盤江戰溪故名孫可望挾永恩求封詩原泰王李定國奪之去即此廢石梁縣在州南境關

菜海弔沐氏別業

一名九龍池今半涸

黔寧

英追封王

開國初。夙夜懷靡及。繼世不永年。

平西侯春年二十六卒

定遠

嚴伯

戰屢捷。三傳逮

莊襄

黔國公

著有玉岡集。漸漸文字起。稍稍武功輯。宴安媒鳩毒。臺觀水中立。五華山

環之。風雨與離合。紅蕖吸奩鑑。碧漪熨衣褶。擘牋狎客並。搖扇蠻奴夾。踰場頭倒刺

歌筵腰反貼。沃以金漂罐。踰廁焚艾納。多藏鬼瞰室。甚固盜胙篋。闐然沙定洲。土宣府聞

沐氏富夜襲之盡據其所有家屬焚死

夕至朝以入。灰燼落池寒。九龍夜深泣。珠沉魚網利。釵斷牧耜

拾玉啼

鯁蟲悽

紺唾

鎔落

何處是

文樓

崑孫朝輔有

鴛鴦瓦

沙壓

菜圃不收魂

曉

乾金玉蛟

用庫中金銀

化蟬飛還事

海果變為田

盛衰閱雙塔

海左即

平滇數諸將

傳友德王帥

藍玉與英為

副潁川朝露濫。藍獄禍連染。幾人保世業。綿衍至天波。石鉗揮摺脅。朝輔至天波又四世緬獻由根時天波揮石鉗殺數十人遂過害。無廢厥祖勲。終始光史牒。三百六十區。剗除龍漢劫。此意問水濱。

荷花笑不答。

金牛

本銅質以金名在金牛寺前鎮壓水怪孫可望竊號毀以鑄錢後因瀑溢募銅重立

孫恩走死餘盧循。屠慘暴於無道秦。假封秦王收召亡命造私幣。破壞四出連邊輪。爾牛

虎皮冒羊質。剗之剔之燔其身。充貨鑄此一大錯。雖不祥治污錢神。嗚呼。金仙露法

金莖斷。銅狄銅駝宮闕換。六朝龍虎盡皈依。萬里羆狼應厭亂。退挈降旗下楚江。望

赴長沙降西南戎索疆蒙段。爾乃竄自賊中來。認取昆明舊劫灰。天亡銅馬山齊甲。地產

金驢夜振雷。晉僧朗住金榆山失所乘驢人見之化金驢矣一鳴響天下太平爾不見寺前流水名上善。爾去年年

罔象現。范形重領水犀軍。湔洗前生大公案。

弔楊文憲公

博物如公帝所知。排閭一慟荷戈辭。不堪張桂皆當軸。誰與何王更致師。薈蔚高燒

即碧峽公精舍生色畫。纏綿杜宇斷腸詩。黃夫人語可憐投老歸無日。贏得猺花插髻絲。

和觀察南岡先生題浣紗記詩次韻

書垂越絕了無奇。別有槩鈴度小詞。一飯未容留蟹種。千金只合鑄蛾眉。荷涇露氣香消盡。鶴市簫聲怨屬誰。配食江潮遺廟在。江干有伍相與吳越王廟素車強弩驗殘碑。

遊近華浦題寺壁

北枕鏤鯨川。東風放蹶船。倚蘆魚跋篴。架葑鶯翹田。浪湧山無底。山隨水上花深月不先。貫休鐘一撞。驚起夜龍眠。

泛嘉利澤

軋軋鴉聲起。秋雲水始波。裾鋪湘女翠。襪剪洛妃羅。牛口囊沙大。水出牛欄口沙常淤塞龍頭枕雨多。上流龍巨河雨甚輒潰入澤中流一捧腹。奈此果然何。

海潮寺

樹壓鳥聲死。綠垂山四圍。漏雲雙堦過。病雨一花飛。魚薨攤僧飯。蝸涎蔓佛衣。無風空外響。人說夜潮歸。

訪三南居士石淙遺址由堂邨川觀聖水浴湯池晚宿雲濤寺次壁間鈕翰林韻東友蘭刺史時署安寧篆

文襄將畧古頗牧。早年鱗甲天池浴。勅羽投林鐵甕城。厭厭歌舞三宵燭。武宗宴其第三日夕

石淙舊夢尤難忘。水聲一片琅玕綠。蟾背浮空閃碎金。龍唇穿罅澍嬰玉。二泉夾岸源雙雙。合流鬪捷騰飛黃。茶錄採之陸桑苧。糟牀滴於顧建康。我來垢膩脚不襪。假館道逢刺史方。夜深洪濤翻海底。風雨吸入雲滿堂。君不見黔公題辭升菴記。僧雛那識前賢事。曉聞啼鳥似催歸。花刺牽衣有深意。

詣黑龍潭祈晴

潭深尋丈許。方廣如几式。其下龍泥蟠。子孫占窟宅。肝蠶走村農。旱潦惟汝責。去年乃渴睡。馬鬣靳點滴。今夏反故常。大小陣以百。之而長蔽天。鬱華坐溺職。堤堰時失禦。苗身立者踣。偏私慶獠田。在山不在澤。雨勤播斯周。更踐息牛力。龍無耳有辭。予豈為若役。遊戲憑一雲。奚暇相持擇。利亦勿我德。害亦勿我賊。往視歸宿處。停縈面黥黑。魚頭濺濺生。香餌隨手釋。爾不食於人。何以食人食。潭魚屬禁食之輒疾答云官素餐。太倉鼠肥碩。事急瘞空文。操約望賒獲。嘉然雷一鳴。懸岸樹倒壁。

上南岡先生

辛壬之交先生視學山左過阜城

十二年前挹使星。至今懷袖帶餘馨。歐陽史不脩三國。

荆公嘗以歐陽公不脩三國志非是蓋因劉義仲為五代

史糾誤故云先生將有事於此

耶律文應定九經。

唐谷耶律號五經庫宋張昭奉敕詳定九經文先生以司寇九經解尚多訛缺為言絲竹清

遊無謝野。鶯花勝賞有秦亭。鶯花亭以少游花影亂鶯聲碎之句得名我來萬里緣何事。只愛螺峰一片青。

和詩

南岡

鵲湖車馬帶春星。驛路花開滿袖馨。萬里阜城空有夢。十年昆海但傳經。全收注疏歸藜閣。先司冠九經解宜將注疏補入分別劉曹待考亭。三國正統自紫陽論定陳壽志非善本惆悵華山松柏好。無邊風月眼青青。

喜徐大田上舍至兼讀遊稿

遲君麥熟便應還。麥熟還見王建詩直到如今始解顏。人面風吹三月柳。馬蹄雷擊萬重山。從鎮遠匹馬兼程而至施之大有棟梁用。得此多於林阜間。正值庭陰新雨綠。一聲公鳳百花斑。余同麓曰晉書成語作對

和詩

徐嘉穀 大田

萬里滇池匹馬還。笑吞丹篆侍慈顏。新詩貼我開榛塞。舊雨愁人醉曉山。半幅煙霞生字裏。多年聲價在雲間。就書從此蠻天著。典謁欣窺豹一斑。

和薛天濤詠南唐後主詩

紗帽纖裳盡室行。回頭不見打標兵。麝囊花下愁如許。金錯刀中讖已成。漏語誰防徐騎省。停歌劇憶李家庭。一江嗚咽春流水。寫盡空宮梵唄聲。

原作

薛觀河

天濤

榻前鼾睡可能開。綠鈿紅羅貯玉顏。譜自翻新邀醉舞。聲何入破念家山。降箋夜向中原去。香夢春從故國還。忽地小樓風又起。柳條遮斷秣陵關。

和天濤詠陳後主事

滿江鬪艦鼓停撾。驢肉堆枰酒便加。但道黃衣圍橘樹。誰防巴馬起楊花。降來十客猶開府。亂後三宮亦出家。盼得鷄臺重入夢。幽蘭一曲按紅牙。

東山寺

路無可入日無影。萬綠垂天石橫梗。螺旋而上得寺門。斑鳩一聲山四靜。頗覺身與雲俱高。俯摩樹梢如兒頂。有泉不放出林去。貯以清磁淪茗茗。可惜誤却花開時。花開時節僧索詩。

僧壁有宜良張明府茶花等詩

老嬾寧使花不見。無花意造花顏面。

易門水城為黃眷齋明府題

易門因山為城小而孤大龍泉環之而山上無水昔苗攻城必遏泉使內坐困明季王公國勳使于

西門外為重關水從地道入為備禦計眷齋明府令重修之民並祠焉

平川浩如海。中央浮佛髻。高八九仞餘。圍以三里計。城削址為墻。雉堞齊階砌。上無多屋宇。下山憊水遞。仰維大龍泉。灌汲一取給。苗民數構患。長圍規便利。土斷徙其流。喝者坐待斃。經始明王公。諱國重關峙大礪。引脈使暗通。濫觴竅湧沸。歲久石頽圯。脩築君善繼。居安思預防。內捍釋外懼。昔聞漢將營。揚水敵退避。宋臣鑿青澗。深觀井養義。一水之有無。攻守所關繫。用敢勒此銘。報功祠永憇。

題易署南軒

城在龜山上大龍泉距城五里

宮龜良其背。劍氣躍龍泉。樹小不藏屋。雲孤欲到天。厄逃真武斗。邑常地震時方九月朔窮乞鄧通錢。有銅礦獲甚少貧民趨之四面山橫障。僧衣畫水田。滇俗九月初一至重九禮斗明時永昌地震唯真武廟不動禮斗人居其下

秋丁香

丁香開以四月此獨至八九月始開花粉紅色口含紫線與常種不類以狀別之

四月同心結。遷延伴拒霜。紫沙紫沙署婦女粧名為矮墮。紅雨得啼粧。酒魄招山鷓。香魂返海棠。小蠻正豐艷。秋未老徐娘。

武定城望獅山龍隱庵呈鄭履坡太守

佛火空山照眼明。黔東庵亦白雲生。

貴陽有羅永庵在白雲山上與此同

頻頻中使齋香出。可許亡人

托鉢行。卹典未傳。程濟謚南渡卹典追錄王午難。經科不載。仲彬名致身錄言仲彬。
科貢中先公入晉身過死。賴有長陵實錄成先司空死事澤。
無名

渡白石江懷黔寧王平滇始事東南寧游執庵明府白石江在曲靖城北二里

白石江邊黃霧塞。扶桑暎紅天。漆黑膽落近。前金鼓聲。芒芒列陣未朝食。臨濟兵從
山後繞。洄兒蒙盾中堅搥。斷續生歸達里麻。司徒平章守曲靖降旗遙監觀音保。雲南省右丞南

詔禍唐宋鑒之。至元乃設宣慰司。八百媳婦交趾緬務勤達畧歲出師。詎知莞內尚

分裂。臟腑患病。醫四肢。賴川別取烏蒙道。行省擒王成算早。傅友德北應永寧兵王率師西趨雲南入其城

梁王把西刺瓦爾赴滇池死餘威南警定邊營。討思倫要勢東規寧越堡。降阿通侯永鎮十三傳。轉

戰而西北地先瀟湘。江名在曲靖城南三里煙雨令秋色。蘆葦之間一驚眠。

起馬塘隔崦樹色。俗名三十里箐即此

不知山起止。彌望青無際。樹亦若逃名。少同而多異。微風一簸盪。海浪天吳戲。有時
雲欲歸。萬竈饋餽沸。絕壑泉收聲。叢陰豺虎庇。憶昔苗搆亂。中可藏兵器。行行日未

晡。鼻尖森鬼氣。

由待補過以濯河望納雄諸山先呈東川義太守

不聞一鳥啼。雉鷄取何義。

雉鷄塘

不見一花飛。香名梅竊據。

梅香

老獠昔所都。峴巘

磊大礪。中通道容趾。團團磨旋蟻。地底俯深叢。陰燉吹鬼魅。天豁半峯晴。半峯雨未

既。擔樵者誰子。時時逢虎醉。太守此坐鎮。朱陸勘同異。

太守宗陽明學

公餘飭庭訓。職要籌

國計。

莞銅政

孤城介黔蜀。大小關門蔽。

大關在永善縣東小關在四川界

叛服隨烏蒙。為其左右臂。抵

巖或鼠竄。伺殆忽鷹鷂。鯨鯢几上肉。斬殺動萬計。追原咎禍始。元戎坐招致。是維善

撫綏。毋虎冠而吏。二十五年來。

雍正八年始定

它姓如入繼。恃茲後母勤。不以前子棄。投醪

羣飲之。何由釀兵氣。居安戒垂堂。攬景洵足記。石牛

石鼓山有巨石如牛耕牧資金馬一名金

馬

戰場利。入夜泉涓涓。無絃愜琴意。

由水坪宿尋甸與額觀文明府夜話

滿林霜果落繽紛。二月花紅正夕曛。山與雲依相慰藉。水因石阻得聲聞。兵鋒險道

窺南戶。戍火嚴城駐北軍。容易時清君坐嘯。當年滇蜀此平分。

東昭二府昔隸於蜀州固滇北戶也烏蒙

出沒戰守時聞至雍正九年始定

野宿望秀嵩山

俗名搖鈴山南一峯曰小秀嵩在羅錦山南十五里敕雲山西十里

何處鈴聲起。清宵小秀嵩。屏開羅錦北。障列敕雲東。廢壘沙屯月。

孟獲立寨于此靈旗樹嘯

風明吳雲盡節處萬山高插漢有路入烏蒙

拜升庵先生遺像

兵火銷沉後丹青尚儼然鶴癯掄杖骨松老著書年病榻懸蕭寺戎衣委下泉遺魂歸蜀未海浪黑粘天

入東川追紀烏蒙反正事寄永善陶京山明府

擔柴塞路中藏刀夜半火發城四圯內挾門出外突入萬蟻僞譟雲湧潮屠宰老弱

等鷄狗粘天雨血兼風毛堂堂元戎劉起規免脫馬潭而躡頭顱拋東川土酋祿良

承暗通賊奎鄉木谷皆繹騷十日堵截郵遞絕勢危累卵懸孤巢得勝聞道珍祿援師猝

相遇黑爪魁生獍閼虎唬大呼闖來漢書哈老大元擲笕洞甲穿弓弦既左辟

之一矢復應手霹靂鳴餓鴉幡然墮地褫其魄兜鍪斗大鞭猪豪其餘跳崖死無算

驚豹妖切紛遁逃遂趨松林稻田壩恢復郡治昭功崇朝制閭太傅神威東

廟畧發蒙振落沴盡消卧漏侯降漢陳立未恭城拔唐韋臯玉斧不須劃大渡黔

蜀一氣藩維牢二府東我行芒部想戰跡虛箐厯厯棚安茅蠻子蠻孫頗識字替花

蠻女吹蘆簫

由野馬川過大石塘至小龍潭一百五里塘外無人烟山後老荒地獮居之

白雲忙於人。知出不知處。山勢率然蛇。百里一首尾。日光懸半照。向背分寒暑。樹木頗有權。反風忽為雨。覓乎不見人。靈鬼衣襪褸。斬刈之所遺。好與謀生聚。螺贏祝類我。餓則將噬汝。今年收有秋。縈烟暮濡縷。

易門送余同麓明府

道所從來從夏環川太史遊知眼明。一燈連夕瓶口傾。誅茅寧有橡梁氣。結茅以居不施橡梁竿厯寂

無雷霆聲。估工胡友耳聲用北史藝術傳學問為長故妄語。酒漿不責非公評。船搖軟浪地數動狀子姑

去。在莒毋忘今此情。

贈江竹岑少尹

轉因相見惜離羣。日下聲華得舊聞。寒士誰應爭吏部。江謚長途古亦屈參軍。江革及弟觀

為僧不易憐周賀。姚念慈表室棄官有弟能文憶陸雲。從弟為龍咲我今如劉子。看花拄杖倚

斜曛。時余足疾

再和天濤詠李後主事

番歌一去更誰聽。天寶遺音滿後庭。煙氣暗生嬰玉鼎。花光深覆皂羅屏。只嫌搗雪

無僂爪。不信量絲有釣齡。昨夜柔儀殿名鐘漏永。秋風簾押振金鈴。

秋夜海潮寺茶亭小憩

不斷香風拂桂枝。腰輿夢醒一甌持。寺臨馬埭無塵到。更打漁榔有雁知。海勢對分容月少。山心雲護報鐘遲。摩挲忽墮遺民淚。雨壁紗籠太傅詩。石刻鄂總制選詩于東西壁

兩先生傳書後

山陰劉小山閣余明史雜詠詢曰詩至二百篇先高祖念臺先生何獨見遺余曰身非史官不敢臧否偶因傳有所得直意為

之然先生固吾浙完人即石齋黃先生當並書以補予闕乃以兩先生名篇

念臺先生劉宗周

崑黨宣黨門戶始。文吏虛拘武驕子。上迂其言左顧誰。義甫如貓祀如鬼。周溫相運移

逆案又重翻。偽奉福藩之遺體。弘光非福王子奕基置鎮勢連鷄。橫畜鷹蒼虎方乳。安得東林

駐足地。五事空陳歸去矣。田間等子不為臣。可以死亦可無死。劉馬斷斷欲殺之。爭

如一片西洋水。舟人扶出良復苦。茗飲三日粒食止。從容袒墓坐無言。間與超超晰

義理。何煩炎午生祭為。朱鳥魂啼謝臯羽。還有相從地下人。人師百世聞風起。門人祝淵

王斌著皆先月日死事

石齋先生黃道周

太極經三易洞璣。天文歷數皇極書。窮年莫能竟其說。推驗治亂指掌如。胡乃勃谿屢觸諱。人景綴狗楊中樞。至黨鄭鄭叱曰倭。曾無一語受帝俞。南都淪覆事良已。又奉勸進表於衢。命終丙午冊預定。因服別室母乃愚。譬之父母疾不起。惶惶祈禱延醫巫。不然籲天以身代。義無坐視野棄諸。嗚呼留侯韜畧率平淡。卒擒項羽如孤雛。祥甫鄧姓劉誠意師應真席姓道士姚廣孝師所傳授。各乘際會為馳驅。獨于先生百無効。獄備杖戍身刑誅。銅山島中懸石室。坐卧養器成大儒。祇博清名著佳傳。學徒瞻拜生悲吁。

寄呈方桐城太保四首

今存二首

畿輔塵勞甲九州。心安鎮石樂忘憂。酬賓一手千玉了。按部三時萬里遊。差喜馬曹皆易位。疏請裁驛歸縣巡檢兼管允行只愁蟲達要封侯。新例蝸昨處分甚嚴每錢三十文易蟲一升此時移節河邊住。

歲於六月既望細浪浮花狎白鷗。駐固安防河

軟脚昌黎病漸增。兵過時墮馬傷南遷暮景已飛騰。東坡敗以它塗進。公曾知為劇

縣能。白屋萬家多在水。黃河十月未成冰。是年陽武龍門秋來陽武關心切。負土填

新力可勝。去年九月陽武三決舊口垣邑新堤搶護僅免

盤龍江歌

紀徐觀察典郡修六河

六河置閘三十六源發於江海歸宿滿不即納輒倒流。齧堤之根潰堤腹龍乃打鼓垂其鬚躍入波中一沐浴高田下田如掌平。可惜來鋤時正熟十家相向九家哭便是有身已無屋太守聞之亦雙足帶水拖泥輿脫輻寒者以衣饑者粥春鋪雲興龍退縮挖去汙淤種種稔歲仍有秋民受福龍忘前功居成功施施入廟饗酒肉。

海口謠 紀徐觀察典麗濬海口

海腹彭亨海口凸。亘起灘洲兩牛舌。鷄心螺殼

皆灘名

銜尾來。簞流夾岸

從六州縣八閘出

腰

橫截龍乃徘徊無所之。取民之田為窟宅。太守繩量以圭測。掬去麤砂伐巨石。數錢論斗如其直。深三四尺寬八尺。水由中行奪門出。龍亦懺悔皈於佛。痛生榮衛盜入室內被除之道用逸。高公

雍正三年

鄂公

雍正七年

前事師。太守祇承神禹術。

懷廣川守侯佩斯

爛爛眩岩電。相親如負暄。詩聲新叔迢。俠氣老夷門。法喜已成佛。

不繼室

孝廉

長嗣

猶

憶昔遊宣府時韻語

宿近華浦

一島浮青水四環。尋僧來趁放參閑。惜花網要懸鈴護。避月船多載酒還。露警鴻聲

常到曉。雲連樹色不分山。依稀此景西湖是。夢斷殘荷積封間。

呈貢即目

加宗城昔踞諸蠻。門牡如今不上關。一片夕陽潮落後。早梅開遍小紅山。

襄勤伯鄂贊議死事伊犁

鑾輿幸中岳。公渡漳河北。叢臺夜將半。燈火照顏色。

邑已秋耶
鄴旅夜

勉我在三義。

宋書
中語

言離

意。慙慙誰知後。會難生死分。絕域昔聞公。西行戎機資。擘畫受降古所誠。隱然一敵國。嚴兵以自衛。猶思禍巨測。胡乃遠游牧。充初況金帛。馴鷹未眼化。餒虎徒手格。星隕落如雨。頽雲壓陣黑。遙遙玉門關。萬古長征客。丈夫抱大志。裹屍當馬革。療黃而不瘡。瓜歎艾炷額。死綏獲死所。詎必卜安宅。塞帷母在堂。倚閭頭雪白。聞夢望生還。寒燈理刀尺。九原如有知。徘徊動魂魄。藐孤彌可念。襲襄勤伯。好時錄紀通。龍侯封廣德。恩澤降自代。興誓殺賊滇。中公舊履屨。屏障落遺墨。我具衣冠拜。酌酒淚霑臆。風吹敕勒歌。月照韓陵石。

州屬海朝寺及茶亭
有公書聯并石刻二

海珊詩鈔卷十一終

海珊詩鈔補遺卷上

烏程 嚴遂成著

題旅壁畫

山山路斷絕。以橋聯屬之。松梢欹閣勢。欲落雲扶持。瀑泉白于線。直下無旁支。赴澗冥蛇迹。漱石淪以漪。此水不可聽。展誦王維詩。

來月軒雅集

軒臨荷花池。集者九人。董誥夫景純扶搖承餘。經遠對颺。皆昆弟也。異姓謝文若王翺如及余。

開軒月未來。荷氣襲寒瀾。賢哉東道主。義錢薦魚韭。經遠于思髯參軍。箕踞座之右。文若

尾以短主簿。偃僂循牆走。

承餘

長身賴其面。

扶搖

白晢濯春柳。

翻如

山心厭軒冕。

景純

虎氣騰

牛斗。對颺年最小

都講

誥夫時為經遠館師

闡分題。唱一和者九。

解

管雄鳴鐘筵大小叩。談紛唇

外焦。聽勸耳內吼。殷壁隣里罵。觸屏童僕詬。日沉未許歸。歸輒挽其肘。明日亦復然。

卯來去以酉。歡獲十乘珠。愁掃千金帚。賦別良獨難。歸夢落虛牖。夜寒雁叫羣。殘月

照魚留。

雨後登逸老堂

葑田低罩綠烟濃。三面迷茫一望中。嵐氣暗分鴉背雨。浪聲寒挾樹頭風。亭留荒碣

讀前漢後漢

君自言初病讀西漢書再病讀東漢書

牛搜馬渤敗鼓皮。入手幻成錦繡段。江楓霜赤

鱸魚香。一牛鳴地潯之陽。片帆刺岸含館定。汗流奔啄根塲琅。統如鼓殘壁燈滅。三

點五點懸星光。博桑日出人鼾睡。履聲橐索聞繞床。主家老嫗竊相謂。謂此贏者毋

乃狂。聞我打包告歸去。意殊戀戀無別語。目送孤鴻街葦花。飛入烟深不知處。

夏日訪王抑亭明府于歸雲菴

掛冠著遂初。飯心究禪典。卜庵南山南。屐齒印蒼蘚。經聲出竹遶。日色礙松閣。寒翠撲人衣。泠泠然以善。寥天杳欲暮。信宿佇幽覽。風蘇暝禽夢。月破山鬼膽。孤嘯答崖谷。半空天籟捲。

潤州

芙蓉城外莽平蕪。山色如灰冷霸圖。節鎮六朝雄北府。襟喉半壁蔽東吳。海風夜湧潮聲大。江樹春浮塢影孤。為向杜鵑討消息。花開還有鶴林無。

廬道中

百里桐江路。營邱畫裡逢。水深仍見底。山好不妨重。小雨滋蟬響。清槐護岸容。隔溪蘭若香。薄暮一聲鐘。

婆江五色石子 詩闕

觀弈歌戲贈吳大廣維

余於弈居最下品。廉勇之際謝不敏。希逢鉅鹿誇戰酣。屢坐滎陽被圍窘。吳生輕我雅自矜。謂是小冠子夏香鑪僧。面戴一目易與耳。掀髯踞局虎上騰。一鼓再鼓三則竭。手中漸漸生荆棘。儼赴敵場懼辱國。忠義勃然變顏色。輸攻墨守窮所思。蟬蛻槁木飛游絲。計出萬全子欲落。旋復改悔移置之。間亦得利南風競。暗許通盤主必勝。蔓延河北收鄧禹。迅掃江東下王濬。一鼓乘虛遇反攻。將敗未敗頰發紅。項筋暴起大于著。此讐不報非英雄。反唇而詬語刺刺。我謹避之以囊括。旁觀大笑筆之書。死諸葛走生仲達。

春日雜興書縣齋壁

春風不歸去。燕以花為家。眾綠為蛾眉。一雨相矜誇。山光開奩鑑。爛爛蒸朝霞。紛矚愜微尚。衙鼓姑停過。

為念慈遣懷之作

時館
景署

不須惆悵燕歸遲。且向華林寄一枝。名士光陰多逆旅。破書滋味在貧時。甌從擔墮

何須顧。新為車勞未便炊。只要此身長健飯。白雲親舍有餘思。

水南門

踈地垂楊颺麴塵。嫩鳬毛羽濯波新。青山如黛花如綺。吹遍春風不見人。

憶南中

空山雨後百重泉。一夜春雷著地鞭。誤却老僧燒笋會。白雲滿屋聽禽眠。

紀石樓袁梅谷瘞髑髏事

石樓古屈地明懷宗四年閩賊渡河入據屠剽距今百有餘年矣庚戌夏署西北隅忽露一枯髑髏掘之

鱗次擲比斷鏃剝缺爰瘞之義冢旁且置田勒石歲奉祀弗絕焉余既嘉其事又重悲夫死者之姓名湮滅不可考要皆生不辱于賊而死則碧血一坏何莫非勝國之勇夫義婦也詩以弔之

晉封夷吾地。迺今石樓縣。縣小山為城。居民昔逃竄。石田廢春耕。土穴斷朝爨。隔河近米脂。劇賊首發難。吹唇兵搜牢。獻馘築京觀。百年槎牙級。瘢痕漬刀箭。是皆耻生降。忍死就塗炭。女不受賊污。男不從賊亂。中宵風月黑。啾啾聲達旦。里居既蕩析。子孫亦糜爛。誰復與招魂。春秋澆麥飯。袁君蒞茲土。撫循法稱善。餘波澤枯骨。幽魂雪煩怨。米囊白木桺。棠附義塚畔。而我想當時。賊勢遠搏戰。出入河南北。晚登未央殿。淋漓人油炸。流毒天下遍。安得百袁君。遂爾首邱願。鬼亦異遭逢。望空發遙歎。

舟過平望有懷王徵士載揚

載將歸夢上輕橈。烟合重湖樹影遙。白鷺一聲天乍曉。銜魚飛過畫眉橋。

贈沈樗崖

諱廷瑞字兆符宣城人善山水祖壽詩閩氏以諸生疏論楊嗣昌為東林黨魁

留別歸安裘魯青明府

乙巳丙午余遊江西戊申明府宰歸安乙酉余入魯辛亥丁外艱癸丑始歸丙辰余將入都

昔年曾鼓潯陽舵。一色長天落霞舞。瀑泉縹緲望珠簾。香霧氤氳尋鐵柱。三王遺跡但聞名。藉甚君家好弟兄。小隊纓鈴徐穉榻。先聲旗鼓灌嬰城。半面無緣一相遇。寶山空指門邊路。入潁竟失李元禮。渡江不謁張子布。飄然來上簷蓬船。采采蘋香住幾年。西游我乃匆匆去。月落參橫帳各天。家山夢遠迷蝴蝶。風雨聲寒泣杜鵑。歸來耳井喧雷電。神明人說歸安縣。傳琰庭鞭一極絲。楊津騎獲三條絹。有兒讀書年紀小。大書特書好手爪。蜀道曾刊劍閣銘。鄙人正藉瑯琊稻。吾欲聯為群紀交。烏蓬吟過駱駝橋。芳草王孫春又綠。笛聲吹雨暮瀟瀟。

香樹先生復和再疊前韻

酌我忘憂酒。開顏強自歡。學黃老之退。貽子孫以安。蕙葉遲去聲春碧。梅花矜歲寒。美言良可佩。何必紉秋蘭。

袁松園明府會獵

未老方用壯。無忙安得閑。傳烽巾子嶺。行炙玉芝山。箭作鴟聲疾。旗翻日影殷。龍城

飛將存。血灑虎毛斑。

時尹遊府有殺虎事

題張總戎四時佳興圖為樸齋太守

蘆叢魚鳧天西頭。山魈躑躅猿猱愁。白雲一望渺何極。尋親直到寧羌州。呼天不應
音塵絕。黃蒿如柱麻如雪。淚落平羌江水流。迷離化作啼鴟血。一朝烽燧南雲擾。兵
阻鄉關歸夢杳。劍閣鴉張霸李雄。滇池稀突王莊矯。天兵上隴堂堂來。呈身得隸將
軍趙。諱良棟黃皮褶袴大食刀。曲踊三百如龍跳。旋隨諸葛搥銅鼓。忽報韋臯渡鐵橋。

百戰論功開幕府。萬里長城天北戶。馬埒燕青曉試鷹。圍塲月黑秋剽虎。十年池館

樂昇平。譜按羣芳妙寫生。手擘山川歸陣勢。眼明草木識兵聲。恒陽太守善紹述。留

題半屬公卿筆。黑王呼出怖兒啼。孝思況是番陽吉。亦張姓尋親於蜀者披圖花氣暖如雲。門

外雪飛深尺一。

總戎年十七尋親於寧羌州遂入蜀吳叛路梗從戎積功總兵宣七十年圖其時所作也總戎面深黑觀圖日值大雪

不刊

范土搗楮匠心幻。傳以朱粉形活現。刻中雖外底象天。唯圓過動乃生變。身衣無縫

之入不中設重檐。臨假面。半啼半笑詭可憎。三起三眠煩不憚。以手捉搦懸旌。貼地盤盤舞轉旋。闐然躍立仰看天。直哉其躬頭亂顫。微似沉吟有所思。氣定須臾殭鐵漢。只恐偃師剖膠革。竿木逢場一朝散。世間宦迹皆等閑。車泥馬瓦麒麟楨。

清河觀察陶未堂先生見餉惠泉家釀

錫山真面目。此藥不為狂。醇似周公瑾。清于顧建康。引人踰本量。撫景近重陽。莫負黃花約。南鄰借鶴觴。劉白陸中山人

樸庭下第將應晉藩之聘次韻却寄

參元失火是祥徵。時家於火竟不還家讓爾能。西去風寒傷庾信。南來日熱重徐陵。莫言鼓瑟無神助。絕勝彈琴與鬼憎。芳草綠楊沙上路。招招車乘畏良朋。

上元燈下

一樹銀花照酒卮。滿街正是蹋歌時。鼓聲鬱勃明王夢。鏡影沉銷棄婦辭。鳳闕祥烟聽漏杳。虹橋麗月步虛遲。紅圈綠暈知無數。付與旁人拾荔枝。

送朱方伯浣桐先生之山西

癸亥秋交河災。先生以霸州牧監南皮賑。相會于東泊頭。得梅花倡和詩四

首將行。余以生鯉魚二。馳送之。是冬。余謝事。次年。改望都。適先生典保陽郡。出示秦遊十圖。與舒嘯堂集。屬序。未幾。由清河道。奉藩於晉。晉固余舊遊。與戴卯君廉使孟東園。觀察觴詠地也。感逝傷離。一時併集。不覺其言之長矣。

衛河我于役。公主南皮會。玉笛賡落梅。筠籃斫生鱸。是時旱太甚。哀鴻四野聞。救荒十二政。何以答明君。言愁方未已。嫋嫋秋風起。木葉洞庭波。揚舲吾去矣。去矣復來遊。公領衆諸侯。低頭拜床下。浮雲齊高樓。高樓雲五彩。照我顏色改。蕭郎作騎兵。前言恕無罪。示我宦遊圖。花繞帝王都。秦箏挾趙瑟。舒嘯堂之隅。薔薇露盃手。侑之以醇酒。醉忽放清狂。忘其牛馬走。公顧心許之。爾毋公廢私。如以常禮待。將安用我為。感公終古譽。鳳蔭龍淵據。每飯不能忘。驪駒忽在御。舍我竟西行。附書與故人。故人跡如埽。池塘草不春。春草池塘夢。月明千里共。土門一綫通。迢遙以目送。目送步遲遲。彈琴空所思。槐陰夜來雨。隔葉啼黃鸝。

聞瓊臺晉禮侍

御試翰林竹泉春雨圖賦學士居其最遲晉是秩仍兼上書房行走簡素如故迎養太夫人不至夫人勸別納妾不許

凌雲一賦冠卿曹。入寺壺漿手自操。曲宴誰能容冶葛。采名從此去邪蒿。避嫌有道

貽恭武

本名宗仁

悔過無文責實過。只是垂簾紅燭下。忍寒風雨夜蕭騷。

書徐湛之傳後二首

附孝嗣君舊

安成食臨汝餼。枝江縣侯乃兼得。獨不念爾母。衲袂錦囊地上擲。到頭繞壁檢行時。北戶屏人燭光滅。嗚呼風臺月。觀望鍾山竹。藥成行鬼其宅。

南路徐北路魚山。川荆楚入華胥。金翠拋殘丁部書。獨不念爾祖。衣杵春腰床則移。到頭拜賜華林省。蟬冕飲樂至斗餘。如此貽厥力。前徐勝後徐。

書隋陳夫人傳

金合同心結一個。到死方知獨孤誤。貴為天子不自由。聚麀忍作傷神賦。珠簾玉箔不長春。不如鳩飲先朝露。惠而却坐悔應遲。金馳金地規內助。

讀北齊書三首

大龍首尾入夢時。舉手上指阿耆師。相法何由得天子。塗傳粉黛成癩癡。左季舒。右桃枝。街巷游行則負之。聚棘為馬拍口鼓。登脊三臺舞雅舞。有刀不以斬亂絲。惡戲乃勞楊大肚。宰輔呼來進廁籌。龍逢比干置急流。採懷一具琵琶骨。也作人間供御

四

齊文

伏神虎門屯甲士。腦滿腸肥一龍子。龍子固自不凡人。射人數步眼光紫。可憐食舉侍中迎。四男遺腹皆坐死。當年榮寵較瑯琊。綠李新賓賽大家。記得齊聲碎赤棒。華林張幙隔青紗。瑯琊王操

緋甲重重眼中鐵。井泉禱漢寒冰液。鋪氈截稍出長城。絕勝段婆送女客。無端壓臂見長人。詔下二宮誅不臣。永巷游魂應歎息。珠簾美女伴餘珍。趙郎王叔

讀北史四首

務農春夏學三冬。李曲說傳家八十宗。鄭玄論語序以八十策為之說雙鳳脫衣癡不免。陰

任人疥指駱駝峯。劉

門戶多岐瑱不聞。樊深河南碑訟晉將軍。熊安生阿兄那得知名士。楊休之憤撰高才

不過文。劉

翠聳孤楊占早春。楊市瓜貧士不逢嗔。楊坐盈一榻成何用。韓讓與輕儇著翅人。韓

刻木機關坐起之。柳郭尖未銳郭景李錐遲。李世識來已過千餘字。梁不怕人呼昨

暮兒。何晏謂蘇夔

僕庭書舍涼棚意在備一可卷舒者而匠氏無其術因裁今半之賦此以答

暑冠猛於虎。亦復如吏酷。何法蘇醒之。蘆蓬周四角。障日欣有餘。延月苦不足。風槐
搖綠陰。隔帷奏琴筑。物理難兩全。此贏彼則縮。拙匠乏天巧。知直不知曲。安能手擘
雲。卷舒與龍逐。主人位置宜。裁令徑邊幅。起于簷之牙。及于庭之腹。朔南割陰晴。旦
晚分寒燠。得事毋取盈。吾學黃老學。

為王少逸山人題照

挑一柳二
有水無山

春不爭多少。最宜亭午晴。桃名華獨座。柳侍董雙成。草遠遮山色。煙平減浪聲。凭虛
招白鶴。飛下斥邱城。

山人善
筆仙

答李坤四孝廉

涼月照孤幌。逶風吹素襟。遲君來夏序。老我抱冬心。故物誰求劍。新人不愛琴。西湖
烟水夢。廿載念知音。

癸卯春諸名士會于
西湖與者百二十人

寄陳元甫學博即送其赴禮部試叠前贈詩韻

折盡恒河柳。三秋雁未歸。人從黃叔度。我憶謝元暉。落落閑黎飯。蕭蕭蓋篋衣。憑君
討春信。一片杏花飛。

雨夜黃壺溪留宿

歸心蓬勃急于火。車驅車驅及奔馬。時邀于路援止之。斷斷不可計甚果。閨中昨已卜金錢。例限一踰法當坐。今夕何夕急扣門。為雨勾留不為我。我為燎衣坐未寧。亂繡案上芝麻經。旁及史事略枚舉。如秘石室初開局。傾耳聽之我起舞。談詩如鬼忽如虎。凡近之相乃婢耳。是為數典忘其祖。隴口刺刺鼓不休。花轉欄杆月亭午。君亦嗟嗟坐屢遷。謂我吏也何學仙。仙人不食且不眠。君乃有眼不交睫。叫囂驚起鷄桑顛。下令斷屠具茗飲。余以病斷肉。唯茗酒不廢。無異吸露之涼蟬。我言眠食要有節。腹受水多煮字活。睡鄉抹煞好風月。仙最不壽學不得。消磨千年算七日。大笑出門雨又來。車馬衝泥頭不回。

歸渡沙河弔明新樂故劉侯死節事次東麓錢太史壁間韻

茫茫此走邯鄲道。瑟瑟淒咽河邊草。何處遺封認內家。神光離合游龍矯。臨危夫壻尚相莊。樓火通紅哭一場。居庸蕩蕩憑誰守。蟻潰金隄失巨防。上殿吹唇笳鼓競。臣心如井波常定。甲裳裹血字淋漓。留取香名聾賊偵。侯印甲當指血書。姓名其上。投井死。全家無骨返青山。弔古傷春欲暮天。桃花雨退蕪深綠。臨水白鷗相對閒。

為具茨太史題高松對論圖

自誌松老中空其下有井。先為前明項襄毅宅中物。

種松人已越恒河。故宅依稀認屈沱。莫恠龍鱗今盡老。閉門歲月著書多。
大陵偃蓋與雲平。絕異尋常拔地生。一鶴飛來風引去。三層樓上不聞笙。

送維謨弟登第南歸

細襪平康穩步遲。昔年被放夜來時。如今售得干秦策。忍檢紅窗錦字詩。時已悼亡

澧州道中

旋折如紋一水長。棹歌聲裏指沅陽。登山朗月誰能嘯。隔岸幽蘭尚有香。朽骨苔淹
螢渚暗。車武子墓在此殘書蟲蝕桂堂荒。有劉大夏讀書處又桂堂胡寅作記只今捐珮何人在。白鷺飛邊

意渺茫

姊妹山

江南北兩山相對舟子云此姊妹山同此修
行一成一不成故名此妄言也姑妄聽之

無獨必有對。此山名姊妹。同行事焚修。分山為兩戒。其一得正果。去赴王母會。其二
迄無成。問年半老大。彭郎自有婦。將以誰作配。山名既復佳。雲烟合翳薈。何乃童童
然。寡髮衣破襪。審知東西向。面各朝其外。江心展鏡奩。不照雙眉黛。遊人洗眼來。袒
而示之背。偶主芙蓉城。裏核願樹北。

由桃源之沅陵

悠悠沅江水。杜若採芳馨。芳馨一以採。招我前山青。美人倦梳洗。椎髻為蠻形。今日復昨日。尹去來非邢。微雨巧蓋護。薄暝垂雲幃。隔帷夏侯伎。樂奏泉泠泠。

由松歸之上中寨

引人泉是一絃琴。轉過松林又竹林。花怯風來知夏近。大驚日出為山深。鷄城銚芒羅奇產。夔鼓銅簧入好音。最喜臨街開講肆。喁喁多半學吳吟。

泛海行贈昆陽方通守友蘭

鷄青其頭鳳丹霄。

彩鳳山

倒暈雲霞幻海市。時平不見習流軍。藕絲孔縮乖龍死。莽

莽淫淫葭莢中。魚舅魚爺長孫子。間起封姨擊怒雷。四圍東濕鼓聲止。一約量得幾多寬。寬亦無過三百里。我家三萬六千頃。具區伯仲之間勿乃是。倚君長笛吹徹洞庭秋。壓翻小海外作堂坳舟。

友蘭籍已陵

清華洞和謝斫溪明府

素花荇葉漢時春。鹿去山空不見人。若使王褒重奉祀。也隨金馬碧鷄神。

原註漢時神鹿見即

洞此

海珊詩鈔補遺卷上終

海珊詩鈔補遺卷下

仙壇唱和即次仙韻

烏程 嚴遂成著

癸亥仲冬。余謝交河事。病甚。逼除夕。彌無聊賴。適新安管子至。善扶鸞。因設壇請仙。百姓諱光宗者。為徵花史。自甲子元旦始。日唱和一詩。積二十日。管子歸。仙亦騎鶴上天。而余復病。嗟乎。天下之花衆矣。此二十花中。有名不甚勝。濫竽在此位者。他若蘭桂。蓮菊之屬。均負殊絕。為自古賢人所矜賞。竟一旦棄之如遺。然則花固有遇有。不遇哉。

梅花

東皇漏洩幾枝春。一路迷離認不真。近曉烟林禽喚夢。薄寒風閣笛傷神。悟來色相如禪寂。占得生涯與水隣。此樹愛閑閑有味。無因說與不閑人。

再咏梅花

先春開放最南枝。天下花無此格奇。竹外尋香人不見。山中問影世相違。十分冷淡貧何甚。一味清臞病者宜。還囑東風加愛惜。黃鸝啼苦落梅時。

杏花

泥人春色滿牆頭。曉怯餘寒露未收。齒齟孫娘方薄笑。唾凝趙后得新愁。輕霞馬影流金彈。細雨簫聲倚玉樓。宴散忽聞花歎息。勸農使者罷春遊。東坡詩我是朱陳舊使君勸農曾入杏花村

桃花

研光熨帽絳羅襦。爛熳東風態絕殊。息國不言偏結子。文君中酒乍當壚。怕他去後花如許。記得來時路也無。若到為山應悟道。紅霞紅雨總迷塗。志勤禪師在為山因桃花悟道

梨花

一枝帶雨報倉庚。粉水銅邱久擅名。薄薄雲中如幻夢。溶溶月下不分明。似將白傅紗裙剪。誰把寧王玉笛爭。斜壓帽簷花解笑。滿城欄檻散春聲。

再咏梨花

雲腴元圃汁瓊田。一樹離離玉可憐。蝶翅馱香春浥露。鶴翎梳夢夜籠烟。寒霏素袖調箏地。暖颭青旗釀酒天。誰與洗粧攔作伴。隔簾柳絮撲鞦韆。

李花

博勞飛出水邊門。錯認瓊華開滿村。隔著冷雲相與語。如來明月不留痕。縞垂夜幌清於染。英落春盤秀可飡。吾是山人今衣白。同君澹泊伴梨魂。梨花魂

再咏梨花

小桃倚爾玉玲瓏。一色梨雲入夢同。試餅何郎宜夜月。掃眉號國在春風。却疑花樣如飛白。不信禽名有竊紅。三十六國遊未遍。銀屏珠箔霧濛濛。

海棠

通明殿後影重重。聘與梅花賦彼穠。衣綉藏霞春旖旎。鏡奩烘日夢惺忪。明妃應恨何人畫。金屋無香不汝容。最是一番新雨過。鵲兒橫亂惹游蜂。荆公詩畫恐明妃恨當以金屋貯汝

再咏海棠

欄杆紅玉帳紅綃。百媚春城貯阿嬌。睡味以逢鶯喚起。酒痕欲借笛吹消。風扶力作傴僂舞。霞襯顏生脉脉潮。歇側看來渾不定。若非花聖是花妖。

牡丹

簇起深紅間淺紅。太平樓閣字懸空。半風半雨歌鐘後。如夢如仙卷畫中。豹隨燈擊

香蠟焰。鳳頭鞋。蹴氣毬。盡消磨。十戶中人賦。換得穠華地一弓。

芍藥

不全存
兩句

可憐婪尾春瓶盡。只賦將離貯錦囊。

楊誠齋詩好為花王作花桐不應只遺
作甘泉高陽即王諱黃字時重姚姓

再咏芍藥

鼠姑俯爾笑軒渠。風貌差殊儼並肩。脂洗楊妃新浴後。醉扶杜牧暗遊初。折開錦繡段無數。如斷珊瑚枝不如。碧眼黃絲幫襯好。一叢叢小紫茸車。

楊花

輕於蘆絮薄於霜。突趁東風過短牆。每到月明成大隱。轉因雲熱得佯狂。撲來人面聲無力。駛上蜂鬚色不香。唯有游絲貪結伴。滿園開埽百花粧。

水仙花

汀蘅洲葯伴無多。以水為家奈冷何。生業不須留寸土。通詞直欲托微波。清愁夜夜湘靈瑟。澹埽年年越女羅。九九消來消瘦甚。避風臺築讀書窩。

夾竹桃

連枝綴萼影幢幢。遷向陽來靠午牕。伯玉豈為君子獨。退之原有侍兒雙。不妨密與

疎相間。可是肥應瘦者幫。歲伴佛桑來嶺北。紅雲綠雨漲春江。

再咏夾竹桃

一本生成不兩歧。妃紅儷碧鎮相思。薇之室可迎桃葉。興素歌應演竹枝。易面各分啼笑半。同心絕少別離時。此花若結垂垂實。宴罷瑤池又樂池。

樂池竹林見穆天子傳

薔薇花

葳蕤不鎖上蘭宮。落得天霞片段紅。闌色疑輸錦步障。聞香知異肉屏風。刺多猜燕無心入。條密狂蜂有路通。七十二行鋪着地。可容野客坐當中。

野薔薇名野客

再咏薔薇

一架繽紛正字文。鄰牆拂處藉餘芬。朱萸囊浥朝朝露。翡翠屏開朵朵雲。獨立根無將伯助。旁拏蔓似亂絲紛。研朱剪碧天工錯。裙是湘君被鄂君。

紫薇花

紫薇翁與紫薇郎。多作名花捧玉皇。華省何年移夢得。酒樓半夜失君房。驚風骨舞青虬瘦。溽露茸垂絳綬長。鐘鼓聲遙清不寐。一池明月浸殘香。

荼蘼花

屏山十二綴珠璣。玉女橫陳白版扉。枕畔分香先茉莉。簾旌換影殿薔薇。夢回麴部雲蒸甕。蟬效金沙雪糝衣。分付四鄰休摘盡。飛英有會饒春暉。

玉蘭花

藍田澧浦兩名流。實入庭階一樹收。漱灩盃翻銀鑿落。玲瓏釵壓玉搔頭。羽衣小舞朝霞散。團扇清歌夜月遊。為抱素心香更遠。臨風直欲上瓊樓。

丁香花

沉水清馨發露叢。綰來百結結當中。星星燕剪捎鉛粉。躍躍釵梁墮玉蟲。後會應歌金縷曲。前身可住蕊珠宮。尋常兒女花無數。道是同心幾個同。

凌霄花

此身如寄苦糾紛。直上盤盤勢絕羣。大有葵心將捧日。便非龍爪亦擎雲。蓬麻比爾扶偏直。瓜葛同君折不分。何物子公多氣力。由來大樹是將軍。

瑞香花

一名瑞香
又名麝囊

么鳳花身玉婉輝。春來長是睡重幃。婢驚色艷爭先折。蜂戀香多不遠飛。日炙郎當臍捧麝。雲酣矮小錦張機。誰憐埋沒隨芳草。描取成圖襯舞衣。

用呂大防守成都瑞香圖圖并序意。呂

又曰瑞香
芳草也

玉蕊花

花心突起膽瓶持。一一絲分十數絲。異種舊傳唐主第。嘉名新入衛公詩。黃衫障扇烟霏遠。清鎖警書日影遲。藉甚風華今頓盡。翠罌香冷女郎祠。

集蘇詩

吾鄉沈輪翁先生。壬辰入翰林。即乞假里居。集蘇詩二十四首。自道其江湖魏闕之思。清切渾成。不啻若自其口出。余辛丑下第南歸。雜以懷人之作。亦效為之。達謝不逮。而以數則過是。既犯山谷百家之戒。復買菜而求益也。

襤被真成一宿賓。眼看時事幾番新。海南未起垂天翼。代北初辭沒馬塵。強對黃花飲白酒。却愁新進笑陳人。背城借一吾何敢。心跡都將付卧輪。

干戈萬槩接琵琶。造物將安以我為。腰下牛閑方解佩。盃中蛇去未應衰。只知紫綬三公貴。莫負南臺九日期。自笑塵勞餘一念。玉堂金殿要論思。

喜君奪得錦標還。獨有黃楊厄閏年。失路今為噲等伍。著鞭從使祖生先。詩書與我為麴蘖。禮樂方將訪石泉。服藥千朝償一宿。定中試與問諸天。

更於何處覓蓬萊。一壺能專萬事灰。惘惘可憐直喪狗。熙熙長覺似春臺。欲窮風月三千界。更看銀山二十回。安得夫差水犀手。劈開翠峽走雲雷。森森畫戟擁朱輪。瑞霧香煙滿後塵。半閤諸公坐廊廟。試呼稚子整冠巾。要知西掖承平事。也著東坡病瘦身。夢想生平消未盡。杏花曾與此翁鄰。

蕭蕭寒雨濕枯莎。絃管生衣甌有埃。如我自觀猶可厭。誰人無事肯重來。繞城駿馬誰能借。極目扁舟挽不回。還有江南風物否。木棉花落刺桐開。

逐客何人着眼看。滯留江海勸加餐。試開雲夢羔兒酒。羞對先生苜蓿盤。吳客漫陳豪士賦。楚人休笑沐猴冠。塞鴻正欲摩天去。月斧雲斤琢肺肝。

千步空餘僕射場。坐看百物自炎涼。橫機欲試東坡老。癡疾還同顧長康。嶺上疎星明煜煜。牕前微月照汪汪。乘槎遠引神仙客。試問青天路短長。

西南歸路遠蕭條。坐看香煙繞白毫。破悶徑須煩麴蘖。橫空初不跨鵬鵬。自知樂事年年減。但覺胡床步步高。坐睡尊前呼不應。夢中歸思已滔滔。

萬人如海一身藏。不羨腰金照地光。得喪悲歡反其故。是非憂樂兩都忘。誰憐寂寞高常侍。獨憶平生盛孝章。一夢分明墮鄉井。烏程霜稻襲人香。

人間膏火正爭光。堂上鈎簾對晚香。多事始知田舍好。思歸苦覺歲年長。異同莫更疑三語。身世何緣得兩忘。莫向岡頭苦長望。白雲深處是吾鄉。

分向江湖拜散人。自慙黃潦薦溪蘋。治經方笑春秋學。閉眼聊觀夢幻身。病馬已無千里志。扁舟歸釣五湖春。無心只是青山物。莫向長沮更問津。

我生飄蕩去何求。浪迹常如不繫舟。船屋擬歸田二頃。家書新報橘千頭。安心好住王文度。數段曾陪馬少遊。得失秋毫久已冥。昨吹簫管到揚州。

強隨舉子踏槐花。多病顛毛尚未華。空詠連珠吟疊璧。半紆春蚓綰秋蛇。平生寓物不留物。人事無涯生有涯。出本無心歸亦好。琉璃百頃水仙家。

白花黃葉使人愁。醉有真鄉我可侯。於此得金非至樂。從他作病且忘憂。何須魏帝一丸藥。好卧元龍百尺樓。舊事真成一夢過。曲江船舫月燈毬。

一洗人間萬事非。仰看鴻鵠刺天飛。海為濶翻風為舞。花已飄零露已晞。不羨紫駝分御食。故將白練作仙衣。羈愁畏晚尋歸棹。雨入淞江水漸肥。

歲寒還喜五人同。一笑江山發醉紅。千首放懷花月裏。百年暗盡往來中。濁流若解污清濟。社燕何由戀塞鴻。知命無憂子何病。世間馬耳射東風。

壯心降盡倒風旌。懶作燕山萬里行。眾裡筭筭誰比數。草中狐兔不須驚。故人飛上金鑒殿。天庑新放玉鼻驂。欣戚已隨時事去。春濃睡足午窗明。

共訪襄陽龐德公。風流儒雅稱吾宗。坐談足使淮南懼。問訊方知冀北空。苦恨相思不相見。念渠無過亦無功。包苴未肯鑽華屋。回首觚稜一夢中。

相逢有味是偷閑。不用金丹苦駐顏。落筆已在雲夢澤。割愁還有劍鉞山。年拋造物陶甄外。笑說生平醉夢間。得酒強歡愁底事。青雲飛步不容攀。

壚灰重撥尚餘熏。只有閑心對此君。枕上溪山猶可見。床前牛蟻未曾聞。臨風有客吟秋扇。載酒無人過子雲。此外知心更誰是。竹扉斜掩雨紛紛。

蓬牕高枕雨如繩。車馬敲門定不應。枕麴先生猶笑汝。薑薑校尉久無朋。豈知好事王夫子。要識當年杜伯升。杖策頻過知未厭。青山斷處塔層層。

我似枯桑困八蠶。孝先風味也堪憐。傳家各自聞詩禮。與子不妨中聖賢。美酒流連三夜月。水光翻動五湖天。人生如寄何不樂。一枕清風值萬錢。

風岩水穴舊聞名。清遠聊為泛宅行。但得低頭拜東野。徒言共飲勝公榮。卜鄰尚可容三徑。換馬還應繼二生。回首舊遊真是夢。水沉燒盡碧煙橫。

若人如馬亦如班。聊伴僧窗半日閑。舊德終呼名字外。遺聲恐在海山間。幽人夜渡
吳王峴。遷客來從飯顆山。千里論交一言定。竹林高會許時攀。

鳴鳩乳燕寂無聲。柳絮飛時花滿城。數畝荒園留我住。半篙流水送君行。近聞猛士
收丹穴。欲伴騷人賦落英。為報年來殺風景。抱叢寒蝶不勝情。

睡息齁齁得自聞。掩關晝卧客書裙。獨携天上小團月。自撥床頭一甕雲。已許秋風
歸過我。還須雪夜去尋君。殷勤莫忘分携處。百頃荷花聚暗蚊。

西湖西畔北山前。任性逍遙不學禪。試着芒鞋穿荦确。故教鐵杖闢清堅。三年不顧
東鄰女。百丈休牽上瀨船。此意自佳君不會。滿江風月不論錢。

野鳥游魚信往還。先生真是地行仙。一壺往助齊眉餉。二頃方謀負郭田。關右土酥
黃似酒。溪邊石蟹小如錢。相從痛飲無餘事。浮世功名食與眠。

已將世界等浮塵。紉袴儒冠皆誤身。公業有田常乏食。陶潛無酒亦從人。西湖弄水
猶應早。南畝巾車正及春。此味只憂兒輩覺。搗殘椒桂有餘辛。

軻坎憐君志未移。扁舟震澤定何時。有魚無魚何足道。以馬喻馬亦成癡。勸子勿為
官所腐。多才終恐世相縻。功名如幻終何得。腸斷閨中楊柳枝。

易可忘憂家有師。從公已覺十年遲。時人盡怪蘇司業。後學過呼韓退之。更肯悲吟白頭曲。不妨還作輞川詩。風流自有高人識。雪嶺先看耐凍枝。

飄然雲水一孤僧。古寺無人竹滿軒。嶺上晴雲披絮帽。山頭落日側金盆。少而寡欲顏常好。病不開堂道益尊。僧侶且陪香火社。監與未暇走山村。

天寒落日澹孤村。思與高人對榻論。獨鶴不須驚夜旦。此泉何處覓寒溫。已聞龜策通人語。始信丹經非妄言。只有無何真我里。招呼明月到芳樽。


淞江烟雨晚疎疎。獨卧無人雪滿廬。造物亦知人易老。神仙可學道之餘。幽人自種千頭橘。稚子新畦五畝蔬。醉飽高眠真事業。不如還叩仲尼居。

落第汝為中酒味。醒時與作嘯風辭。粗言細語渾不擇。舊恨新愁只自知。識字劣能欺項籍。結交誰復許袁絲。人間歧路知多少。弱羽巢林在一枝。

中華民國七年三月初版
中華民國十四年四月再版

海珊詩鈔(全二冊)

每部定價洋四角



發行所
印刷者

文明書局

發行所
上海南京路
文明書局

發行所
上海棋盤街
中華書局

分售處

中華書局

北京 天津 張家口 保定 石家莊 濟南 太原 開封 西安 瀋陽
重慶 長沙 常德 衡州 漢口 武昌 南昌 九江 安慶
蘇州 南京 杭州 福州 廈門 廣州 汕頭 潮州 雲南 奉天
吉林 煙台 鄭州 青島 東昌 徐州 蘭州 貴陽 長春 新加坡

